

詩
經
類
考

詩經類考卷之五

明武塘沈萬鈞仲容采輯

時令考

春

春秋繁露四時天之四選春者少陽之選夏者太陽之選秋者少陰之選冬者太陰之選四選之中各有孟仲季故一歲之中有四時一時之中有三長天之節也○皇極經世曰昊天盡物聖人盡民皆有四府春爲生物之府夏爲長物之府秋爲收物之府冬爲藏物之府易爲生民之府書爲長民之府詩爲收民

之府春秋爲藏民之府昊天四府者時也聖人之
四時者經也昊天以時授人聖人以經法天○函史
四時陰陽萬物之根本也故聖人春夏養陽秋冬養
陰以從其根與萬物消息發歛而常守乎平○春管
子云東方曰星注東方陰陽之氣和雜時故爲星星
不定于陰陽也其時曰春其氣曰風風生木與骨其
德喜羸而發出節時時其事號令修除神位謹禱弊
梗宗正陽治隄防耕耘樹藝正津梁修溝瀆斃屋行
水解怨赦罪通四方柔風甘雨乃至百姓乃壽百蟲
乃蕃此謂星德星者掌發發爲風是故春行冬政則

凋行秋政則霜行夏政則燠故春三月以甲乙之日
發五政一政曰論幼孤舍有罪二政曰賦爵列授祿
三政曰解凍修溝瀆復亡人四政曰端阻險修封疆正千伯五政曰毋殺電益
蹇華絕芋五政苟時春風乃來日至睹甲子木行御
天子出令七十二日而畢睹甲子木行御發政不善
則多凶戾七十二日而畢春行冬政肅行秋政雷行
夏政闢十二地氣發戒春事○淮南子東方曰蒼天
其星房心尾東北曰變天其星箕斗牽牛東方木也
其帝太皞其佐勾芒執圭而治春其神爲歲星其獸
蒼龍其音角其日甲乙東方之極自碣石山過朝鮮

貫大人之國東至日出之次樽木之地青土樹木之
野太皞勾芒之所司者萬二千里其令曰挺羣禁開
閉闔通窮室達障塞行優游棄怨惡解役罪充憂患
休罰刑開關梁宜出財和外怨撫四方行柔惠止剛
強春風至則甘雨降生育萬物乳者嫗伏毛者孕育
草木榮華鳥獸卵胎莫見其爲者而功旣成矣春行
夏令泄行秋令水行冬令肅○淮南子春爲規規者
所以園萬物也規度不失萬物乃理○春蠶也物蠶
生乃動運故爲規

正月令

孟春之月日在營室昏參中旦尾中

營室在亥次中謂中于

南方正月昏時中星爲參
且則尾星在南方之中也

其日甲乙其帝太皞其神

勾芒其蟲鱗其音角律中太簇其數八其味酸其臭
羶其祀戶祭先脾東風解凍蟄蟲始振魚上冰獺祭
魚鴻雁來天子居青陽左个乘鸞輅駕倉龍載青旗
衣青衣服蒼玉食麥與羊其器䟽以達是月也以立
春先立春三日太史謁之天子曰某日立春盛德在
木天子乃齋立春之日天子親帥諸侯九卿三公大
夫以迎春于東郊還反賞公卿大夫于朝命相布德
和令行慶施惠下及兆民慶賜遂行毋有不當乃命

太史守典奉法司天日月星辰之行宿離不貸毋失
經紀以初爲常是月也天子乃以元日祈穀于上帝
乃擇元辰天子親載耒耜措之于參保介之御間帥
三公九卿諸侯大夫躬耕帝籍天子三推諸侯五推
卿大夫九推反執爵于太寢三公九卿諸侯大夫皆
御命曰勞酒是月也天氣下降地氣上騰天地和同
草木萌動王命布農事命田舍東郊皆修封疆審端
經術善相丘陵阪險原隰土地所宜五穀所殖以教
道民必躬親之田事旣飭先定準直農乃不惑是月
也命樂正入學習舞乃修祭典命祀山林川澤犧牲

母用牝禁止伐木母覆巢母殺孩而胎天飛鳥母麋
母卵母聚大衆母置城郭掩骼埋胔是月也不可以
稱兵稱兵必天殃兵戎不起不可從我始母變天之
道母絕地之理母亂人之紀孟春行夏令則雨水不
時草木早落國時有恐行秋令則其民大疫焮風暴
雨總至藜莠蓬蒿並興行冬令則水潦爲敗雪霜大
摯首種不入○夏小正春正月啓蟄雉震响魚陟負水
農緯厥耒初歲祭耒始用暢圃有見韭時有俊風寒
日滌凍塗田鼠出農率均田農及雪澤初服于公田
采芸鞠則見柳柳梅杏施桃則華緹蒿雞桴○淮南子

言方集二
月令卷二
孟春之月招提指實盛德在木蟄虫始振蘇魚上負
鰭祭魚候雁北天子東宮御女青色衣青采鼓琴瑟
服八風水養其諺作燧火其兵矛其畜羊朝于青陽左
个以出春令布德施惠行慶省徭賦立春之日天子
迎歲于東郊脩除祠位幣鑄鬼神犧牲用牡正月官
司空其樹楊孟春與孟秋爲合故正月失政七月涼
風不至○周禮正月之吉始和冢宰乃縣始象之法
于象魏使萬民觀治象司徒縣敎象施教法于邦國都
鄙宗伯縣禮象司馬司寇司空縣政象刑象事象亦
如之象而縣之式是典常昭視聽一其心重始敬正

之道也郊用上辛耕籍自天子而降班以終畝內宰
詔王后帥六宮之人生種稷之種獻之上重生德之
本也○正月之卦爲泰卦○地官州長正月之吉各
屬其州之民而讀法○三元歲之元時之元月之元
也○晉天文志正月之辰謂之寅寅者津也生物之
津達也○行人以是月采詩獻之太師漢書○集禮
立春後丑日祭風師于東北郊○京房易飛候正月
有偃月必有嘉王○爾雅正月爲陬月○秦皇避正
月以爲端月正月水名凌解水○天表影長一丈五
尺二分○太陽在子○青鳥司啓左傳註青鳥即倉庚倉庚立

春鳴立夏止○菖始生冬至五旬七日菖生○狐不
渡冰○條風至一名融風

二月令

仲春之月日在奎昏弧中旦建星中其日甲乙其帝
太皞其神勾芒其蟲鱗其音角律中夾鍾其數八其
味酸其臭羶其祀戶祭先脾始雨水桃始華倉庚鳴
鷹化爲鳩天子居青陽太廟乘鸞路駕倉龍載青旂
衣青衣服蒼玉食麥與羊其器疏以達是月也安萌
芽養幼少存諸孤擇元日命民社命有司省囹圄去
桎梏毋肆掠止獄訟是月也玄鳥至至之日以大牢

祠于高媒天子親往后妃帥九嬪御乃禮天子所御
帶以弓韜授以弓矢于高媒之前是月也日夜分雷
迺發聲始電蟄蟲咸動啓戶始出先雷三日奮木鐸
以令兆民曰雷將發聲有不戒其容止者生子不備
必有凶災日夜分則同度量鈞衡石角斗甬正權概
是月也耕者少舍乃修闔廟寢廟畢備毋作大事以
妨民之事是月也毋竭川澤毋漉陂池毋焚山林天
子廼鮮羔開冰先薦寢廟上丁命樂正習舞釋菜天
子廼帥三公九卿諸侯大夫親往視之仲丁又命樂
正入學習舞是月也祀不用犧牲用圭璧更皮幣仲

春行秋令則其國大水寒氣總至寇戎來征行冬令則陽氣不勝麥乃不熟民多相掠行夏令則國乃大旱煖氣早來蟲螟爲害○夏小正往稷黍禪初俊羔助厥母粥祭鮪綬多女士丁亥萬用入學榮莖采蘋昆小蟲抵胝剝鮮○淮南子仲春之月招搖指卯始雨水桃始華二月官倉其樹杏仲春與仲秋爲合仲春始出仲秋始內二月失政八月雷不藏○庚信華林園序堯以仲春之月刻玉遊河○表貉獻禽注有司表○治蚕○天官內宰仲春詔后帥貉誓民鼓遂圍禁火弊獻禽以祭社內外命婦始蚕于北郊以爲祭服歲終則會內人之

稍食稽其功事佐后而受獻功者比其大小與其粗良而賞罰之○擊土鼓歌豳詩注春官箴章中春擊土鼓歛豳詩以逆暑逆謂自外而人內○太師陳詩○典禮制度注命典禮考時月定日同律禮樂制度衣服正之○薦鞠衣注天子薦之于先帝蓋黃桑之服○薦韭卯注四民月令祀大社之日薦韭卯于祖禰○修火禁注司烜以木鐸修火禁于國中謂用火之處及避風燥而防之季春將出火也○會男女注媒氏中春令民會男女司男女之無夫家者會之欲及時也奔者不禁○煮菱麭注天子食饒而朝事之

邊煮菱爲麪○女媧鼓歌淮南子二月之夕女媧鼓
歌以司天和以長百穀禽獸草木女媧春夏長養之
神也○天門說文𠂔冒也二月萬物冒地而出象開
門之形故爲天門○獻種稯種周禮仲春后帥六官
夫人獻種稯之種于王○赤璋禮南方周禮太宗伯
○獻鳩注仲春獻鳩于國老鄭玄曰春鷹化爲鳩變
舊爲新宜以養老助生氣○祭馬祖祭于大澤用剛
日○望祀祓除白虎通周禮男巫掌望祀望衍旁招
以茅女巫掌歲時以祓除釁浴禊者潔也尚書厥民
析言人解療生疾之時故于水釁潔之也○離騷說

文祈穀食新曰離牒又楚俗以二月祭飲食曰離牒
○三星昏期三星心宿也在卯宮第三有尊卑夫婦
之象古禮成親取建卯月○卯爲春門說文○古者
冠以仲春月○降入二月名○如月爾雅○桃李節
○白蘋水二月水名○高蓂太乙數卯神曰高蓂○表影天表影長八尺五寸
分四太陽在亥○啓蟄冒鼓象雷之發聲也○老人星天文書老人春
分分之日没于丁○明庶風○州長讀法地官○二月
則治平三壽昌
卦爲大壯

三月令

季春之月日在胃昏七星中旦牽牛中其音角律中

姑洗桐始華田鼠化爲鴛虹始見萍始生是月也天子廼薦鞠衣于先帝命舟牧覆舟五覆五反乃告舟備具于天子焉天子始乘舟薦鮪于寢廟乃爲麥祈實是月也生氣方盛陽氣發泄勾者畢出萌者盡達不可以內天子布德行惠命有司發倉廩賜貧窮振乏絕開府庫出幣帛周天下勉諸侯聘名士禮賢者是月也命司空曰時雨將降下水上騰巡行國邑周視原野修利隄防道達溝瀆開通道路毋有障塞田獵且罾羅網畢翳餒獸之藥毋出九門是月也命野虞母伐柞柘鳴鳩拂其羽戴勝降于柞具曲植籩筐

禁婦女毋觀省婦使以勸蚕事蚕事既登分蠶稱絲
効功以供郊廟之服母有敢惰是月也命工師令百
工審五庫之量金鐵皮革筋角齒羽箭幹脂膠丹漆
母或不良百工咸理監工日號母悖于時母或作爲
淫巧以蕩上心是月之末擇吉日大合樂天子乃帥
三公九卿諸侯大夫親往視之是月也乃合累牛騰
馬遊牝于牧犧牲駒犢舉書其數命國難辭九門磔攘
以畢春氣季春行冬令則寒氣時發草木皆肅國有
大恐行夏令則民多疾疫時雨不降山陵不收行秋
令則天多沉陰淫雨早降兵革並起○夏小正麥則

伏攝棄菱

作苑

楊韓羊蜃則鳴蜃越越有小旱頒冰采識

名草拂桐葩

○管子萩室燠造鑽燧易火杼井易水○

淮南子季春之月招搖指辰行是月令甘雨至三旬

三月

其樹李季春與季秋爲合季春大出季秋

大內故三月失政則九月不下霜三月之時蝦蟇鳴

鳴燕降而達路除道○出火

辰月火星始見出宣其氣

○變火○

三月卦爲夬○誓社習軍旅○務種穀○淮南子昏

張中則務種穀○末春○病月音病○青章三月名○表

影

天表影長六尺六寸五分

○太陽在戌○音比仲呂清明風至也○

豐隆將雨淮南子季春三月豐隆乃出以將其雨豐

隆雷神也○月令通考重三卽重五重九之意○張說詩暮春三月日重三魏元忠詩三月重三日○上巳節

夏

管子南方曰日其時曰夏其氣曰陽陽生火與氣其德施舍修樂其事號令賞賜賦爵授祿順鄉謹修神祀量功賞賢以動陽氣九暑乃至時雨乃降五穀百果乃登此謂日德日掌賞賞爲暑歲掌和和爲雨夏行春政則風行秋政則水行冬政則落是故夏三月以丙丁之日發五政一政曰求有功發勞力者而舉

之二政曰開九墳發故屋辟故窮

泡淵二音密也

以假貸三

政曰令禁扇去笠毋扱免除急漏田廬四政曰求有德賜布施于民而賞之五政曰令禁置設禽獸毋殺飛鳥五政苟時夏雨乃至○淮南子南方曰炎天其星輿鬼柳七星東南方曰陽天其星張翼軫南方火星輿鬼柳七星東南方曰陽天其星張翼軫南方火也其帝炎帝其佐朱明執衡而治夏其神爲熒惑其獸朱雀其音徵其日丙丁南方之極自北戶孫之外名國貫顓頊之南至委火炎風之野赤帝祝融之所司者萬二千里其令曰爵有德賞有功惠賢良救饑渴舉力農賑貧窮惠孤寡憂罷疾出大祿行大賞起毀

宗立無後封建侯立賢輔夏行春令風行秋令蕪行
冬令格日夏至而流黃澤石精出蟬始鳴半夏生
蟲不食駒犢驚鳥不搏黃口八尺之景修徑尺五寸
景修則陰氣勝陰氣勝則爲水景短則陽氣勝陽氣
勝則爲景

四月令

月令孟夏之月日在畢昏翼中旦婺女中其日丙丁
其帝炎帝其神祝融其蟲羽其音徵律中中呂其數
七其味苦其臭焦其祀龜祭先肺蟪蛄鳴蚯蚓出王
瓜生苦菜秀天子居明堂左个乘朱路駕赤駟載赤

旂衣朱衣服赤玉食菽與雞其器高以粗是月也以
立夏先立夏三日太史謁之天子曰某日立夏盛德
在火廼齋立夏之日天子親帥三公九卿大夫以迎
夏于南郊還反行賞封諸侯慶賜遂行無不欣說乃
命樂師習合禮樂命大尉贊桀俊遂賢良舉長大行
爵出祿必當其位是月也繼長增高母有壞墮母起
土功毋發大衆毋伐大樹是月也天子始絺命野虞
出行田原爲天子勞農勸民毋或失時命司徒循行
縣鄙命農勉作毋休于都是月也驅獸毋害五穀母
大田獵農乃登麥天子乃以彘嘗麥先薦寢廟是月

也聚畜百藥縻草死麥秋至斷薄刑決小罪出輕繫
蚕事畢后妃獻繭乃收蠶稅以素爲均貴賤長幼如
一以洽郊廟之服是月也天子飲酎用禮樂孟夏行
秋令則苦雨數來五穀不滋四鄙人保行冬令則草
木早枯後乃大水敗其城郭行春令則蝗蟲爲災暴
風來格秀草不實○夏小正夏四月鼎則見初昏南
門正鳴札囿有見杏鳴蜮王負秀取荼莠幽越有大
旱執陟攻駒○淮南子孟夏之月招搖指巳其位南
方天子服八風水爨柘燧火南宮御女赤色衣赤采
吹竽笙其兵戟其畜雞朝于明堂左个以出夏令命

太尉贊祭俊舉孝悌四月官田其樹桃孟夏與孟冬
爲合孟夏始緩孟冬始急故四月失政十月不凍○

四月卦乾○四月爲餘月爾雅○四月建馬辰爲實沈

周禮○龍見而雩左注龍角元星也巳月昏見東方

○薦含桃禮四月月中氣以○赤璋禮南方○麥秋○

陰月西京雜記純陽疑于○正月○除月文選○乏月

四時纂要冬穀既盡夏麥未登宜賑之絕也○日在昴○天表影長四尺

五寸七分日出寅卯入酉○太陽在酉

五月令

禮月令仲夏之月日在東井昏亢中旦危中其日丙

丁其帝炎帝其神祝融其蟲羽其音徵律中絃賓其
數七其味苦其臭焦其祀竈祭先肺小暑至螳螂生
鵙始鳴反舌無聲天子居明堂太廟乘朱路駕赤駟
載赤旂衣朱衣服赤玉食菽與雞其器高以粗養壯
佼是月也命樂師修鞀鞀鼓均琴瑟管簫執干戚戈
羽調竽笙篪也簧飾鍾磬祝敔命有司爲民祈祀山
川百源大雩帝用盛樂乃命百縣雩祀百辟卿士有
益于民者以祈穀實是月也農乃登黍天子乃以雉
嘗黍羞以含桃先薦寢廟令民毋艾藍以染毋燒灰
毋暴布門閭毋閉關市毋索挺重囚益其食游牝別

羣則執騰駒班馬政是月也日長至陰陽爭死生分
君子齋戒處必掩身毋躁止聲色毋或進薄滋味毋
致和節耆同嗜欲定心氣百官靜事毋刑以定晏陰之
所成鹿角解蟬始鳴半夏生木槿榮是月也毋用火
南方可以居高明可以遠眺望可以升山陵可以處
臺榭仲夏行冬令則雹凍傷穀道路不通暴兵來至
行春令則五穀晚熟百螣時起其國乃饑行秋令則
草木零落果實早成民殃于疫○夏小正參則見浮
游有殷鳩則鳴時有養日乃衣瓜良蜩鳴偃之興也
五日翕望乃伏啓灌藍琴鳩爲鷹鵲蜩鳴初昏大火

中種黍菽糜煮梅蓄蘭頒馬○淮南子仲夏之月招
搖指午其位南方天子朝于明堂太廟服八風水爨
柘燧火南宮御女赤色衣赤采吹竽笙其兵戟其畜
雞存鰥寡振死事日短至陰陽爭死生禁民無發火
五月官相其樹榆○五月其卦垢○辰爲午午者長
也大也言物皆長大也○小刑月淮南子陰生于午
故爲小刑月○五月爲臯月爾雅○祭先牧○山虞斬
木欲其堅也○止行人所以防微陰也○霉天亦曰黷天○
景暑大暑也○天表影長二尺五寸九分出辰卯入
申酉○太陽在申○日在參夏至日在井○表景長

一尺六寸○太陽過酉○三禮義宗云夏至有三義
一以明陽氣之至極二以明陰氣之始至三以明日
行之北至○陰至土重史記先至三日垂土炭于衡
兩端輕重適均至日陰氣至則土重○丹水魚光水
經丹水中先夏至前十夜伺之魚浮水則赤光上照
如火○石湖水解神異經北荒有石湖千里歲常冰
惟夏至左右五十六日解○猫鼻暖猫鼻端常冷惟
夏至一日煖西陽雜俎○浚井改水禮儀志○五月爲落梅
風風俗通記○雨爲隔轍雨○黃梅雨濯梅枝雨○黃河
五月水爲麥黃水○桐花雨○景風至○

六月令

禮記月令季夏之月日在柳昏火中旦奎中律中林鍾溫風始至蟋蟀在壁鷹乃學習腐草爲螢天子居明堂右个命漁帥伐蛟取鼃登龜取鼈命澤人納材葦是月也命四監大合百縣之秩芻以饗犧牲令民無不咸出其力以共皇天上帝名山大川四方之神以祠宗廟社稷之靈以爲斯民祈福是月也命婦官染采黼黻文章必以法故毋或差貸黑黃蒼赤莫不質良毋敢詐僞以給郊廟祭祀之服以爲旂章以別貴賤等給之度是月也樹木方盛命漁人入山行木

毋有斬伐不可以興土功不可以合諸侯不可以起
兵動衆毋舉大事以搖養氣毋發令而待以防神農
之事也水潦盛昌神農將持功舉大事則有天殃是
月也土潤溽暑大雨時行燒薙行水利以殺草如以
熱湯可以糞田疇可以美土疆季夏行春令則穀食
鮮落國多風欬民乃遷徙行秋令則丘隰水潦禾稼
不熟乃多女災行冬令則風寒不時鷹隼早鷺四鄙
入保○夏小正初昏斗柄正在上煮桃鴈始顰○淮
南子季夏之月招搖指未其位中央其日戊巳盛德
在土其蟲羸其音宮律中百鍾

林鍾也

其數五涼風至

蟋蟀居奧鷹乃學習腐華化為蜎天子衣苑黃服八
風水爨柘燧火中宮御女黃色衣黃采其兵劍其畜
牛朝于中宮令滂人入材葦行惠令弔死問疾存視
長老行孚鬻厚席蓐以送萬物歸也六月官少內其
樹梓○陰氣藏伏六月伏日師古曰伏者謂陰氣將起迫于殘陽而未得升也○
六月其卦遯○六月爲且月爾雅○夏昏火中可以黍稷尚書大傳○長烈六月名○未垂六月將盡之時○瓜期左傳○小暑日在鬼○表影長二尺五寸九分○日出寅入酉○太陽在未○大暑日在柳表影長二尺五寸八分○太陽過午○初伏薦麥瓜于祖禰○紂獵西土○

六月黃河之水名礬山水○禘祀周公

秋

西方曰辰其時曰秋其氣曰陰陰生金與甲其德憂
哀靜正嚴順居而不敢淫佚其事號令毋使民淫暴
順旅聚收量民資以畜聚賞彼羣幹聚彼羣材百物
乃收使民毋怠所惡其察所欲必得我信則克此謂
辰德辰掌收之爲陰秋行春政則崇行夏政則水行
冬政則耗是故秋三月以庚辛之日發五政一政曰
禁搏塞圉小辨鬪譯言語相忌
嫉之意二政曰毋見五兵
之刃三政曰慎旅農趣聚收四政曰補缺塞圻五政

曰修墻垣周門閭五政徇時五殺皆入秋行五刑誅大

罪所以禁淫邪止盜賊

管子

○淮南子西方曰皓天其

星胃昴畢西南方曰朱天其星觜嶲參東井西方金
也其帝少昊其佐蓐收執矩而治秋其神爲太白其
獸白虎其音商其日庚辛西方之極自崑崙絕流沙
沉羽西至三危之國石城金室飲氣不死之野少皞
蓐收之所司者萬二千里其令曰審用法誅必罪備
盜賊禁奸邪飾羣牧謹貯聚修城郭補缺竇谿徑過
溝瀆止流水雝谿谷守門閭陳兵甲選百官誅不法
秋行夏令華行春令榮冬令耗

七月令

禮月令孟秋之月日在翼昏建星中旦畢中其日庚辛其帝少皞其神蓐收其蟲毛其音商律中夷則其數九其味辛其臭腥其祀門祭先肝涼風至白露降寒蟬鳴鷹廼祭鳥用始行戮天子居總章左个乘戎路駕白駱載白旂衣白衣服白玉食麻與犬其器廉以涇是月也以立秋先立秋三日太史謁之天子曰某日立秋盛德在金天子乃齋立秋之日天子親帥諸侯九卿三公大夫以迎秋于西郊還反賞軍帥武人于朝天子乃命將帥選士厲兵簡練桀俊專任有

功以征不義詰誅暴慢以明好惡順彼遠方是月也
命有司修法制繕囹圄具桎梏禁止奸愼罪邪務搏
執命理瞻傷察創視折審斷決獄訟必端平戮有罪
嚴斷刑天地始肅不可以羸是月也農乃登穀天子嘗
新先薦寢廟命百官始收歛完隄防謹壅塞以備水
潦修宮室坏垣墻城郭是月也毋以封諸侯立大官
毋以割地行大使出大幣孟秋行冬令則陰氣大勝
介蟲敗穀戎兵乃來行春令則其國乃旱陽氣復還
五穀無實行夏令則國多大災寒熱不節民多瘡疾
○夏小正莠音秀萑音圭葦音圭狸子音里肇肆音肆湟音湟潦音潦生萃音萃爽死萃

莠漢案戶寒蟬鳴初昏織女正東鄉時有霖雨崔茶

斗柄縣在下則且○淮南子孟秋之月招搖指申昏

斗中旦畢中天子朝于總章左个以出秋令服八風

水爨柘燧火西宮御女白色衣白采撞白鐘求不孝

不悌戮暴傲悍而罰之以助損氣是月令涼風至三

旬七月官庫其實棟棟實鳳凰所食者秋熟○尚暑獻鈿針○

七月其卦否○淮南子七月百虫蟄伏青女乃出以

降霜露○爾雅七月爲相月○龍火西頽○天子飲

酎明堂月令○辰爲申申者身也萬物身體皆成就也○

記命有司祭馬社于大澤○沈湫兮天高而氣清宋王

○孟秋○首秋○上秋○蘭秋梁元纂要○大晉七月名○

爽節高風應爽節○大慶之月修行記○武德肅殺司權也○立

秋日在星○表影長四尺五寸七分○日出卯入酉

○太陽在午○禮儀志立秋日習戰陣之儀名曰驅

劉劉殺義也○漢書以立秋日爲驅臘○冀州北俗立秋

及八月朝作飲食爲臘其俗曰臘臘○處暑日在翼

表影長五尺五寸六分○梧桐金井○博物志海上

有草名篩其實食之如大麥七月稔熟名自然穀又

曰禹餘糧又曰指佞草○物產志有撫稻一歲兩收

既春種而夏獲復以七月初三插至十月熟○太子

晉七月七日緱山駕鶴飛昇○麻姑王母俱以七日降○織女降銀州七日爲良日風土記

八月令

禮月令仲秋之月日在角昏牽牛中旦觜觿中其音商律中南呂盲風至盲開指之稱鴻雁來玄鳥歸羣鳥養羞天子居總章太廟是月也養衰老授几杖行糜粥飲食乃命司服具飭衣裳文繡有恒制有大小度有長短衣服有量必循其故冠帶有常乃命有司申嚴百刑斬殺必當毋或枉撓枉撓不當反受其殃是月也乃命宰祝循行犧牲視全具按芻豢瞻肥瘠察物

色必比類量小大視長短皆中度五者備當上帝其
饗天子乃難以達秋氣以大嘗麻先薦寢廟是月也
可以築城郭建都邑穿竇窖修囷倉廼命有司趣民
收歛務畜菜多積聚乃勸種麥毋或失時行罪無疑
是月也日夜分雷始收聲蟄虫坏戶殺氣浸盛陽氣
日衰水始涸日夜分則同度量平權衡正鈞石角斗
甬是月也易關市來商旅納貨賄以便民事四方來
集遠鄉皆至則財不匱上無乏用百事皆遂凡舉大
事毋逆大數必順其時慎因其類仲秋行春令則秋
雨不降草木生榮國乃有恐行夏令則其國乃旱蟄

言... 四百里

蟲不藏五穀復生行冬令則風災數起收雷先行草

木早死○夏小正剥瓜玄校玄黑也校若綠色婦人未嫁者衣之剥棗

巢零丹鳥羞白鳥丹鳥丹良也白鳥蚊蚋也有翼為鳥羞者不盡食也辰則伏

鹿人從駕為鼠參中則旦○淮南子仲秋之月招搖

指酉涼風至候雁來羣鳥翔八月官尉其樹柘八月

失政二月雷不發○少采夕月與太史糾虔天刑○

八月其卦觀○辰為酉酉者緇也時物皆緇縮也○八月為壯月

爾雅○土鼓迎寒周禮籥章氏掌仲秋擊土鼓吹陶詩以迎寒○獻良裘司裘

氏仲秋獻良裘王乃行羽物○夏官仲秋獻矢○風俗通以八月

遣輶軒使採異俗方言藏之秘府○淮南子孟秋始

縮仲秋始納○周禮大司徒以荒政下有二聚萬民
八月殺哀○枹朴子馮夷以八月上戾日渡河溺死
上帝署爲河伯○八月爲仲商月○提要錄爲桂月
○爲端正月○淮南子爲柘月○太初周禮註○素節
○白露日在軫表影長六尺五寸五分日出卯入酉
太陽在巳○秋分日在角表影同晝夜均○鶴警露
○白鷺飛○螭蟀聞虎方信鯉書螭蟀大者八月能與虎鬪虎不能勝○桂
子落

九月令

禮月令季秋之月日在房昏虛中旦柳中律中無射

鴻雁來賓爵入水爲蛤鞠有黃華豺乃祭獸戮禽天子居總章右个是月也申嚴號令命百官貴賤無不務內以會天地之藏無有宣出乃命冢宰農事備收舉五穀之要藏帝籍之收于神倉祇敬必飭是月也霜始降則百工休乃命有司曰寒氣總至民力不堪其皆入室上丁命樂正入學習吹是月也大饗帝嘗犧牲告備于天子合諸侯制百縣爲來歲受朔日與諸侯所稅于民輕重之法貢職之數以遠近土地所宜爲度以給郊廟之事無有所私是月也天子乃教田獵以習五戎班馬政命僕及七駟咸駕載旌旄授

車以級整設于屏外司徒搢扑北面誓之天子乃厲
飾執弓挾矢以獵命主祠祭禽于四方是月也草木
黃落乃伐薪爲炭蟄蟲咸俯在內皆墮其戶乃趣刑
獄毋留宥有罪收祿秩之不當供養之不宜者是月也
天子乃以犬嘗稻先薦寢廟季秋行夏令則其國大
水冬藏殃敗民多魃噎行冬令則國多盜賊邊境不
寧土地分裂行春令則煖風來至民氣解惰師興不
居○夏小正納火遶音地鴻雁主夫出火夫當陟玄鳥
蟄熊羆貉貉馳騁則亢榮鞠樹麥王始裘雀入于海
爲蛤○國語辰角見而雨畢天根見而水涸天根角

詩經卷五

本見而草木節解本氏駟見而隕霜火見而清風戒

寒故先王之教曰雨畢而除道水涸而成梁草木節

解而備歲隕霜而冬裘具清風至而修城郭宮室○

淮南子季秋之月招搖指戌昏虛中旦柳中九月官

候其樹槐九月失政三月春風不濟○宋臺杵歌○

九月其卦剝其辰戌戌者滅也○九月為玄月爾雅○

納火周禮司權掌行火○獻裘冬官季秋○登龜禮

秋登龜○婦功嫁娶家語霜降而婦○霜降鷹擊○

禘祭○末秋○暮商○季商○天雎九月○霜月○

寒露日在亢表影長八尺五寸四分○日出卯入酉

太陽在辰○霜降日在戌表影長五尺九寸三分○
太陽過卯○山海經豐山有九鍾霜降則鳴故曰霜
鐘○蓼花風月令章句黍秋六日風至秦人謂之蓼花風○九月爲鯉魚
風黃雀雨○鷦鷯墮霜禽經其羽可爲裘其飛則墮霜○鷽鷽畏霜
飛必向日而畏霜露

冬

書大傳云北方者伏方也伏方者萬物之方伏也伏
方何以謂之冬冬者中也中也者物方藏于中也陽
盛則吁荼萬物而養之外陰盛則呼吸萬物而藏之
內故曰呼吸者陰陽之交接萬物之始終○爾雅云

冬爲玄英注氣黑而清英○呂覽云冬之德寒寒不信其地不成剛地不成剛則凍閉不開○什名云冬終也物終成也○管子北方日月其時曰冬其氣曰寒寒生水與血其德淳越溫怒周密其事號令修禁徙民令靜止地乃不泄斷刑致罰無赦有罪以符陰氣大寒乃至甲兵乃強五穀乃熟國家乃昌四方乃備此謂月德月掌罰罰爲寒冬行春政則泄行夏政則雷行秋政則早是故冬三月以壬癸之日發五政一政曰論孤獨恤長老二政曰善順陰修神祀賦爵祿授備位三政曰效會計毋發山川之藏四政曰捕

奸遁得盜賊者有賞五政曰禁遷徙止流民圉分異
五政苟時冬事不過所求必得所慮必服○淮南子
北方曰玄天其星須女虛危營室西北方曰幽天其
星東北奎婁北方水也其帝顓頊其佐玄冥執權而
治冬其神爲辰星其獸玄武其音羽其日壬癸北方
之極自九澤窮夏晦之極北至令名之谷有凍寒積
冰雪電霜霰漂潤羣水之野顓頊玄冥之所司者萬
二千里其令曰申羣禁固閉藏修障塞繕關梁禁外
徒斷罰刑殺當罪閉關閭大搜客止交遊禁夜樂早
閉晏開以塞奸人已德執之必固天節已幾刑殺無

赦雖有盛尊之親斷以法度毋行水毋發藏毋釋罪
冬行春令泄行夏令旱行秋令霧

十月令

禮月令孟冬之月日在尾昏危中旦七星中其日壬
癸其帝顓頊其神玄冥其虫介其音羽律 中應鍾
其數六其味醎其臭朽其祀行祭先腎水始冰地始
凍雉入大水爲蜃虹藏不見天子居玄堂左个乘玄
路駕鐵驪載玄旂衣黑衣服玄玉食黍與彘其器閼
以庵是月也以立冬先冬三日太史謁之天子曰某
日立冬盛德在水天子乃齋立冬之日天子親帥三

公九卿諸侯大夫以迎冬于北郊還反賞死事恤孤寡是月也命太史釁龜策占兆審卦吉凶是察阿黨則罪無有掩蔽是月也天子始裘命有司曰天氣上騰地氣下降天地不通閉塞而成冬命百官謹蓋藏命有司循行積聚無有不歛坏城郭戒門閭修鍵閉慎管籥固封疆備邊境完要塞謹關梁塞徭徑飭喪紀辨衣裳審棺槨之厚薄塋丘壟之大小高卑厚薄之度貴賤之等級是月也命工師效功陳祭器按度程毋或作爲淫巧以蕩上心必功致爲上物勒功名以考其成功有不當必行其罪以窮其情是月也大

飲烝天子乃祈來年于天宗大割祠于公社及門閭
臘先祖五祀勞農以休息之天子乃命將帥講武習
射御角力是月也乃命水虞漁師收水泉池澤之賦
毋或敢侵削衆庶兆民以爲天子取怨于下其有若
此者行罪無赦孟冬行春令則凍閉不密地烝上泄
民多流亡行夏令則國多暴風方冬不寒蟄虫復出
行秋令則霜雪不時小兵時起土地侵削○夏小正
豺祭獸初昏南門見黑鳥浴時有養夜雉入于淮爲
曆織女正北向則旦○淮南子孟冬之月招搖指亥
天子朝于玄堂左个以出冬令服八風水爨松炷火

北宮御女黑色衣黑采擊磬石其兵鍛其畜彘禁外
徙閉門閭大搜客十月官司馬其樹檀十月失政四
月草木不實○國語日月會于龍狔音龍龍尾也日月
合辰土氣含收天明昌作百嘉備舍羣神頻行國于
是乎烝嘗家于是乎嘗祀百姓夫婦其令辰奉其犧
牲敬其盥盛潔其糞除慎其采服裡其酒醴帥其子
姓從其時享虔其宗祝道其順辭以昭祀其先祖清
風至而修城郭宮室故夏令曰九月除道十月成梁
其時儆曰收而場功儆而畚揭儆具也畚土龍也揭昇土之器營室
之中土功其始火之初見期于司理○栽人告勞○

十月其卦坤月建亥亥者効也言陰氣効殺萬物也

○獻民數○良月盈數

左莊公使定叔以十月入曰良月也取盈數焉

○十

月爲上冬爲大章爲開冬爲亥仲爲大月爲吉月爲

正陰月立冬日在房表影一丈五寸二分日出卯辰

入申酉○太陽在卯○小雪日在心尾表影一丈一

尺五寸一分○太陽過寅○藥雨歲時記小春月內

三雨爲液雨百蟲飲而藏蟄俗呼爲藥雨○草端大

月

端專眩二音呂覽草端大月冬至後五旬七日莒始生陳士元農書皆什端相責也或作端始萌也

大月高注孟冬月也素以亥月爲歲首故稱太月猶正月一月也又易卦陰大陽小爾雅十月爲陽太月

卽陽月之義

十一月令

禮月令仲冬之月日在斗昏東壁中旦軫中律中黃

鍾永益壯地始圻鷦旦不鳴虎始交鷦旦夜鳴求旦之鳥也天

子居玄堂太廟飭死事命有司曰土事毋作慎毋發

蓋毋發宮室及起大衆以固而閉地氣沮泄是謂發

天地之房諸螫則死民必疾疫又隨以喪命之曰暢

月是月也命闔尹申官令審門閭謹房室必重閉省

婦事毋得淫雖有貴戚近習毋有不禁乃命大酋酒官

之秫稻必齊麴孽必時漚熾必潔水泉必香陶器必

良火齊必得兼用六物大酋季監之毋有差貸天子

命有司祈祀四海大川名原淵澤井泉是月也農有不收藏積聚者馬牛畜獸有故佚者取之不詰山林藪澤有能取蔬食田獵禽獸者野虞教道之其有相侵奪者罪之不赦是月也日短至陰陽爭諸生蕩君子齊戒處必掩身欲安寧去聲色禁嗜欲安形性事欲靜以待陰陽之所定芸始生荔挺出蚯蚓結麋角解水泉動日短至則伐木取竹箭是月也可以罷官之無事去器之無用者塗闕廷門閭築圉圍此以助天地之閉藏也仲冬行夏令則其國乃旱氛霧冥冥雷乃發聲行秋令則天時雨汁瓜瓠不成國有大兵

行春令則蝗蟲爲敗水泉咸竭民多疥癘○夏小正
王狩陳筋革裔人不從隕麋角○淮南子仲冬之月
招搖指子十一月官都尉其樹棗十一月失政五月
下霜十一月水正而陰勝○東壁圖書府昏中壁星○
十一月其卦復○月建子子者孳也○辰在星紀○
十一月爲辜月爾雅○至日閉關○敎大閱○殺草雜
○斬陽木欲其濡也○剝陰木柞氏剝而水之○祭馬步○禮園
丘○十一月爲三至蓋陰極之至陽氣始至日行南
至周月逸周書廣寒月六帖正冬○大雪日在南箕表影
一丈二尺五寸○日出辰入申○太陽在寅○冬至

日在南斗表影一丈二尺五寸○太陽過丑○先至
三日懸土炭于衡兩端輕重適均冬至日陽氣至則
炭重夏至日陰氣至則土重○淮南子曰冬至而井
水盛盆水溢羊脫毛○神農書冬至陰陽合精天地
交讓天爲不濕地爲不凍君爲不朝百官爲不親事
○呂覽冬至日行遠道周四極命之曰玄明天○易
卦通驗冬至之始人主與羣臣左右縱樂五日天下
之衆亦家家縱樂五日爲迎日至之禮○歲時記其
工氏有不才之子以冬至日死爲疫鬼畏赤小豆故
是日作赤豆粥禳之○淮南子北斗之神有雌雄十

一月始建于子月從一辰雄左行雌右行

十二月

禮月令季冬之月日在婺女昏婁中旦氐中律中太
呂雁北鄉鵲始巢雉雊雞乳征鳥厲疾天子居玄堂
右个命有司大難儻旁磔責出土牛以迎寒氣乃畢

山川之祀及帝之大神天之神祇是月也命漁師始
漁天子親往乃嘗魚先薦寢廟冰方盛水澤腹堅命
取冰冰以入令告民出五種命農計耦耕事修耒耜
具田器命樂師大合吹而罷乃命四監收秩薪柴以
供郊廟及百祀之薪燎是月也日窮于次月窮于紀

星回于天數將幾終歲且更始專而農民母有所使
天子與公卿大夫共飭國典論時令以待來歲之宜
乃命太史次諸侯之列賦之犧牲以共皇天上帝社
稷之饗乃命同姓之邦共寢廟之芻豢命宰歷卿大
夫至于庶民土田之數而賦犧牲以共山林名川之
祀季冬行秋令則白露早降介蟲爲妖四鄙入保行
春令則胎夭多傷國多固疾命之曰逆行夏令則水
潦敗國時雪不降水凍消釋○夏小正鳴弋當作玄
駒賁螳也納蒜本如耶蒜者也虞人入梁隕麋角○淮南子
季冬之月招搖指丑十二月官獄其樹櫟十二月失

政六月五穀疾狂○周禮占夢掌其歲時季冬聘王
夢獻吉夢于王王拜而受之乃舍什萌于四方以贈
惡夢遣使去也遂命始難那歐疫歲終則令百官府各正
其治受其會聽其致事而詔王廢置膳夫掌王之食
飲膳羞王燕飲酒則爲獻主掌后及世子之膳羞歲
終則會惟王及后世子之膳不會酒正掌酒之政令
酒正之出日入其成月入其要歲終則會以酒式誅
賞凌人掌冰正歲十有二月令斬冰三其凌三倍也外
府掌邦布之入出以共百物歲終則會職幣掌式法
歲終則會其出令羣士計獄幣訟○元祀不易月○

十二月其卦臨辰爲丑丑紐也終始之際相紐結也

○十二月爲涂月

雅爾

○辰在玄枵

○貞歲

周禮天府掌季冬陳

玉以貞來歲之美惡貞問也

○嘉平月

臘也

○急景

日影短也

○嚴月

天皓

十二月名

○小寒日在須牛表影一丈二寸五分○

日出卯辰入申酉○太陽在丑○大雪日在女虛表

影一丈五寸○太陽過子臘明日爲小歲○初歲○

讎亦呼爲野雩

時令卷五

終

詩經類考卷之六

明武塘沈萬鈞仲容采輯

地理考上

地

說文云元氣初分輕清爲天重濁爲地萬物所陳列也徐曰地者迤也迤而高也山嶽丘陵墳衍迤而卑也卑隰污潢故曰地有二形高下平也○春秋說題辭云地之爲言媿也承天行其義也山陵之大非地不制含功以收生也○援神契云地順受澤謙虛開張含泉任萌滋物歸中○家語子夏云商聞山書曰

地東西爲緯南北爲經山爲積德川爲積刑高者爲
生下者爲死丘陵爲牡谿谷爲牝○白虎通曰地者
元氣所生萬物之祖也地之言施也諦也應施變化
審諦不誤敬始重終故謂之地也○括地象云八極
之廣東西二億三萬三千里南北二億三萬一千五
百里夏禹所治四海內地東西二萬八千里南北二
萬六千里○爾雅云距齊州以南載日爲丹穴北載
斗極爲空同東至日所出爲太平西至日所入爲太
蒙○易曰至哉坤元萬物資生乃順承天坤厚載物
德合無疆含弘光大品物咸亨又曰在地成形○國

語云陽伏而不能出陰遁而不能蒸於是有地震○
黃帝素問云積陰爲地故地者濁陰也○蔡邕月令
章句曰總丘陵原隰阪險曰地○淮南子云重濁者
淹滯而爲地○春秋元命苞曰地者易也言養物懷
仁交易變化含吐應節故其立字土力於乙者爲地○
尚書考靈曜曰地有四游常動而不止譬如人在舟
中閉牖而坐舟行不覺也冬至地上北而西三萬里
夏至地下南而東三萬里春秋二分則其中矣○春
秋元命苞曰地所以右轉者氣濁精少含陰而起遲
故轉右迎天佐其道○史書外集稱黃帝旁行天下

方制萬里得百里之國萬區令堅亥步自東極至於西極五億十九千八百步史臣按凡周天積百七萬九百一十三里徑三十五萬六千九百七十里所謂南北爲經東西爲緯也○物理論云地者底也底之言著也陰氣下著也其神曰祇祇成也育生萬物構成也形有高下氣有剛柔物有巨細味有甘苦顯之以五岳積之以丘陵播之以四瀆流之以百川蓋氣自然之體也發氣黃泉周伏回轉以生萬物也天之根本也雲雨于是乎出日月星辰于是乎陳霜雪于是乎降形西北高而東南下東西長而南北短其盡四

海者也炎氣鬱蒸景風盪色地之張也秋風蕩生涼
氣肅然地之閉也○聖證論云普天之下華岳列居
河海所流丘陵墳衍總謂之地○張衡靈憲云地深
一億萬六千二百五十里故至厚莫如地王嬰古今
通論云地厚三萬里○太玄經云凡九地一爲泥沙
二爲澤池三爲沚厓四爲下田五爲中田六爲上田
七爲下山八爲中山九爲上山○周禮大司徒辨五
地之物一曰山林二曰川澤三曰丘陵四曰墳衍五
曰原隰○物理論云夫土地皆有形名而人莫察焉
有龜龍體有麟鳳貌有弓弩勢有井斗象有張舒形

有塞閉容有隱真之安有累郊之危有高腴之利有
堦塙之害此十形者氣勢之始終陰陽之所極也○
爾雅云東至泰遠西至邠國南至濮鉉北至祝栗謂
之四極孤竹北戶西王母日下謂之四荒○又山海
經云禹使大章步自東極至于西極二億三萬三千
五百里七十五步使堅亥步自北極至于南極亦然
○事物紀原曰人皇以來土地國邑始各有名則山
川之號疑亦從此起故神農興于厲山共工之觸不
周炎帝以姜水黃帝以姬水此山川之名之始也○
呂刑曰禹平水土主名山川注云無名者始名之于

是凡山川皆名之矣山海經洎爾雅所載者是也○
項峻治書曰人皇出于提地之國則提地疑國名也
則土地國邑之名始此也

土

說文云土地之吐生萬物者也二象地之下地之中
吐物出形也○聖證論孔晁云能吐生百穀謂之土
○白虎通曰土所以王四季何木非土不生火非土
不榮金非土不成水非土不高扶微助衰歷成其道
故五行更生亦曰土○書禹貢冀州土白壤兗州土
黑墳青州土白墳徐州土赤埴墳揚州土荊州土塗泥

豫州土惟壤下土墳墟梁州土青黎雍州土黃壤○
周禮大司徒以土會之法辨五地之物生一曰山林
動物宜毛植物宜阜其民毛而方二曰川澤動物宜
鱗植物宜膏其民黑而澤三曰丘陵動物宜羽植物
宜覈其民專而長四曰墳衍動物宜介植物宜莢其
民皙而瘠五曰原隰動物宜羸植物宜叢其民豐肉
而痺載師掌任土之法土人掌土地之政草人掌土
地之法以物地○河圖括地象云天有九部八紀地
有九州八柱東南神州曰晨土正南邛州曰涿土西
南戎州曰滔土正西弇州曰井土正中冀州曰白土

西南柱州曰肥土北方玄州曰成土東北咸州曰隱
土正南揚州曰信土崑崙山爲柱氣上通天崑崙者
地之中也○孝經鄭注云分別五土視其高下若高
田宜黍稷下田宜稻麥丘陵阪險宜種棗栗○靈憲
云至厚莫如地至空莫如土○萬機論云土地者百
姓之所蹈也殊無兩形之致而譚者強謂之異體地
云者都大之名土者細屬之號國寧有有地無土有
土無地之處乎

山

元命苞云山者氣之苞含所以含精藏雲故觸石而

出○說文云山宜也宜氣散生萬物有名而高象形也○什名云山產也言產生萬物○易卦序論云險而上山也險而動泉也動靜皆蒙險故曰山○韓詩外傳云山者萬人之所瞻仰草木生焉萬物植焉飛鳥集焉走獸伏焉○什名云山體曰石石格也堅捍格也○物理論云土精爲石石氣之核也氣之生石猶人筋絡之生爪牙也○春秋運斗樞云山者地基也○春山淡冶而如笑夏山蒼翠而如滴秋山明淨而如粧冬山慘淡而如睡○海山微茫而隱見江山嚴厲而峭卓谿山窈窕而幽深塞山童顙而堆阜

嚴厲而峭卓谿山窈窕而幽深塞山童顙而堆阜

山目

○桂林之山玲瓏剔透巴蜀之山巉嵯窳窳河
北之山綿衍龐魄江南之山俊峭巧麗○管子云凡
天下名山五千三百七十出銅之山四百六十有七
出鐵之山三千六百有九○爾雅云山三襲陟再成
英一成坯大而高崧小而高岑銳而高嶠平而大扈
小而衆歸小山岌大山垣屬者嶧獨者蜀上正章宛
中隆山脊岡未及上翠微山頂冢萃者屢屨山如堂
者密如防者盛巒山墮重甌隙左右有岸厖大山宮
小山霍小山別大山鮮山絕徑多小石礫多大石礫
多草木岵無草木岵山上有水埒夏有水冬無水樂

山嶺無所通候石戴土謂之崔嵬土戴石爲礪山夾
水澗陵夾水澗山有穴爲岫○上小下大曰嗽山邊
曰崖崖之高曰巖上秀者曰峯陬獨高者曰岵山陂
曰阪山精曰夔亦曰跂亦曰雲陽祭山曰瘞○山海
經禹曰天下名山經五千三百七十山六萬四千五
十六里其餘小山甚衆不足紀○書大傳孔子曰山
生材用無私爲焉四方皆伐無私與焉出雲雨以通
乎天地之間陰陽和合雨露之澤萬物以成百姓以

石

什名云山體曰石石磳磳也堅捍磳也山多大石曰

巖多小石曰礮○春秋說題辭云周易艮爲山爲小
石石陰中之陽陽中之陰陰精補陽故曰含石石之
爲言托也托立法也○博物志云地以石爲之骨○
物理論云土精爲石石氣之核也氣生石猶人脉絡
之生爪牙也

泰山

地理志云泰山爲東岳兗州鎮山實萬物之始○博
物志云泰山一日天孫言爲天帝孫也主召人魂魄
東方萬物之始成故知人命之長短○風俗通云泰
山山之尊一曰岱宗岱代也始也宗長也萬物之始

陰陽交代故爲五岳長王者受命恒封禪之○福地
記云泰山多芝草玉石下有洞天周迴三千里鬼神
之府○漢書云五岳四瀆皆有常祀惟太山與河歲
五祀江水四餘皆一禱而三祀○茅君內傳云岱宗
之洞名三公空洞之天○列仙傳云岱宗石室中上
下懸絕其中金牀玉几○從征記云泰山有上中下
三廟廟前有大井水極香冷異于凡水不知何代所
掘○泰山記云盤道屈曲凡五十餘盤經小洞天大
天門仰視天門如從穴中視天窻矣自下至古封禪
處凡四十里山頂西巖爲仙人石間東巖爲介丘東

南巖名曰觀日觀者鷄一鳴時見日始欲出長三丈
所又東南名秦觀秦觀者望見長安吳觀者望見會
稽周觀者望見齊黃河去泰山二百餘里于祠所瞻
黃河如帶若在山趾山南有廟悉種松千株大者十
五六圍相傳云漢武所種小洞天有秦時五大夫松
在○公羊傳云觸石而出膚寸而合不崇朝而徧雨
天下者惟泰山乎○白虎通云王者受命必封禪封
者增高也禪者廣厚也皆刻石紀號著已之功績以
自効也天以高爲尊地以厚爲德故增泰山之高以
示報天禪梁甫之趾以報地

衡山

搜神記云衡山南岳也至軒轅乃以瀟霍之山爲副焉故爾雅云霍山爲南岳因其制也至漢武南巡又以衡山遐遠道隔江漢乃徙南岳之祭于廬江潛縣之霍山此亦從軒轅副義也○荊州記云南岳衡山朱陵之靈臺太虛之寶洞上承冥宿銓德鈞物故曰衡山下踞離攝位火向赤帝館其嶺祝融托其陽故號南岳周旋數百里高四千一十丈東南臨湘川自湘川至長沙七百里九向九背然後不見○湘中記云衡山遙望如陣雲○地記云衡山一峯極高鴈不

能過遇春北歸故名迴鴈或云峯勢如鴈之迴故名
○長沙志云衡山軒翔聳拔九千餘丈尊卑差次七
十二峰巖洞溪澗泉石之勝交錯其中又有數十洞
十五巖三十八泉二十五溪九池九潭六源八洞九
井三穿三漏此最著者七十二峰最大者五芙蓉紫
蓋石廩天柱祝融而祝融最高○南岳記云衡山有
三峰其一名紫蓋峰天景明徹有一雙白鶴迴翔其
上一峰名石囷下有石室中常聞諷誦聲一名芙蓉
上有泉水飛流如舒一幅練○湘中記云衡山九疑
皆有舜廟太守至官常遣戶曹致敬修祀則如有絃

歌之聲○吳越春秋云禹傷父功不成乃巡衡山血馬以祭之仰天而嘯忽然而卧夢見赤繡文衣男子自稱玄夷蒼水使者謂禹曰欲得我山神書者齋焉禹乃退齋三日遂獲金簡之書得治水之要刻石山之高處

嵩山

白虎通云中央之岳獨加高字者何中央居四方之中而高故曰嵩高山○西征記云嵩山東曰大室西曰少室相去十七里嵩其總名也謂之室者以其下各有石室焉少室高八百六十丈方十里與太室相

垓但小耳○道書云自岳神廟東北二十里至一山
名東龍門其東有三臺山昔漢武東巡過此山見學
仙女帝觀之遂以名焉○仙經云嵩山東南大巖下
石孔方圓一丈西方北入五六里有大室高三十餘
丈周圍三百步自然明燭相見如日月無異中有十
六仙人云月光童子常在天台時亦往來此中人非
有道不得望見

華山

白虎通云西方華山少陰用事萬物生華故曰華山
○山海經云華山一名太華太華之山削成而四方

高五千仞其廣十里○張華西京賦云綴以二華註
云二華謂太華少華也少華在華山西○述征記華
山有二岑直上數千仞自下小岑疊秀迄于嶺表有
如削成○華山記云華山頂生千葉蓮花華山記云
山上有三峰直上晴霽可觀謂蓮花毛女檜也○又
云華山頂上方七里有靈泉二所一名蒲池一名太
上泉○昭文館記云上有三峰上接三光中有石池
二十八所上應二十八宿青松綠竹叢生高崗白雲
翠藹施于幽草懷蘊金玉蓄藏風雷爲大帝之別宮
乃神仙之窟宅也一稱太上山○李白登落鴈峰曰

此山最高呼吸之氣可通帝座矣○華山記云山頂有石鼓父老傳云常有聞其鳴者○華山記云岳東北有雲臺峯其山兩峯崢嶸四面懸絕上冠景雲下通地脉嶷然獨秀有若雲臺下有穴昔有人入此穴出東方山行雲經黃河底上聞流水之聲○西京賦注云華山對河東首陽山黃河流于二山之間古語云此本一山當河河水過之而曲行河神巨靈以手劈開其上以足蹈離其下中分爲兩以通河流今岳上有指掌之形首陽山足跡亦存焉○華山記云山下自華岳廟列栢南行十一里又東廻三里至中祠

又西南出五里至南祠南入谷口七里又至一祠又南一里至天井天井纔容人上可長六丈余出井如望空視明如在室窺窻矣出井東南二里至峻坂斗上又東上百丈崖皆須扳繩挽葛而後行又西南出六里又至一祠名胡越寺神又行二里便屈山頂上方七里

恒山

周禮云并州之鎮恒山也○爾雅云恒山謂之常山○風俗通云恒常也萬物伏北方有常也○白虎通云北方有常山者何陰終陽始其道常久故曰常山

○韓愈云北岳翳閭鬼神受職○程咸云奕奕恒山作鎮冀方伊肇建國在岳之陽○五岳圖云恒山高三千七百丈七尺上方三十里周迴三千里有太玄之泉神草十九種服之可度世○括地志云北岳有五別名一曰蘭臺府二曰列女宮三曰華陽臺四曰紫薇宮五曰太乙宮或云大茂山○管子云恒山北臨代南俯趙東接河海之間早生而晚殺五谷之所蕃熟四種五穫焉○前燕錄云慕容雋壽光二年恒山得壁七十圭七十三光色精奇有異玉雋以爲神岳之命以大牢祀之神農本草云常山有草名神護

置之門上每六吠人○孫子兵法曰常山之蛇名曰
率然一身而兩頭擊其一頭則一頭至擊其兩頭則
兩頭俱至○春秋元命苞曰畢散爲冀州分爲趙國
立爲常山注云常山卽恒山也乃畢昴之精

丘

爾雅云丘一成爲敦丘再成爲陶丘再成銳上爲融
丘三成爲崑崙丘如磬者磬丘如階者階丘水潦所
止泥丘方丘胡丘絕高爲之京非人爲之丘水潦所
還埒丘上正章丘澤中有丘都丘堂途梧丘途出其
右而還之畫丘途出其前戴丘途出其後曷丘水出

其前消丘水出其後沮丘水出其左正丘水出其右
營丘如覆敦者敦丘遷迤沙丘左高咸丘右高臨丘
前高旌丘後高陵丘偏高阿丘宛中宛丘丘背有丘
爲負丘左澤定丘右陵泰丘如畝畝丘如陵陵丘丘
上有丘爲宛丘陳有宛丘晉有潛丘淮南有州黎丘
天下有名丘五三在河南二在河北○廣雅云小陵
曰丘○周禮丘陵動物宜羽植物宜覈其民專而長
水

釋水云灘反入潭沙出汧出不流漢大出尾下水醮

曰辱

潭音但汧音牽辱音軌

水決之澤爲汧決復入爲汧水注

川曰谿注谿曰谷注谷曰溝注溝曰澮注澮曰瀆○
說文云水準也北方之行象衆水並流中有微陽之
氣也徐曰衆屈爲水至柔能攻堅故一其內也○元
命包云水之爲言演也陰化淖濡流施潛行也故其
立字兩人交一以中出者爲水一者數之始兩人譬
男女言陰陽交物以一起也又云水者天地之包幕
五行之始萬物之所由生元氣之精液也○黃帝書
云天在天地外水在天外水浮天而載地者也○管子
云地者萬物之本原諸生之根苑水者地之血氣如
筋脉之通流者也故曰水具材也夫水淖弱以清而

好灑人之惡仁也視之黑而白精也量之不可使概
至滿而止正也唯無不流至平而止義也人皆赴高
已獨赴下卑也卑也者道之室王者之器也而水以
爲都居○子華子云棲三陽之正氣於水樞其專精
之名曰太乙太乙正陽也水含太乙之中精故能潤
澤萬物而行乎地中○淮南子云水上天爲雨露下
地爲潤澤無所私而無所公靡濫振蕩與天地鴻洞
無所左而無所右蟠委錯紵與萬物終始是謂至德
○玄中記云天下之多者水焉浮天載地高下無不
至萬物無不潤○淮南子云水之爲物搏之無創射

之不傷斬之不斷焚之不然利穿金石功濟天下○
穀梁傳曰水北爲陽水南爲陰○韓詩外傳曰夫水
者緣理而行不遺小間似有智者動而下似有禮者
蹈深不疑似有勇者郭防而清似知命者歷險而遠
似有德者天地以成群物以生國家以寧萬事以平
此智者所以樂于水也○淮南子曰土地各以類生
人是故清水音小濁水音大湍水人輕遲水人重○
水神曰天吳山海經云天吳八首十八尾亦曰水伯
○大波之神曰陽侯○博物志曰昔陽伯溺水因爲
大海之神○禮記曰水之于人也親而不尊天尊而

不親○又曰小人溺于水君子溺于口夫水近于人而易以溺人○孫卿子曰君子觀于東流之水子貢問曰君子見大水必觀焉何也孔子曰夫水徧與諸生而無爲也似德其流也卑下倨句必循其理似義浩浩乎不居似有道其延萬仞之谷不懼似勇主量必平似法盈不求概似正綽約微達似察以出以入就絜似善發源必東似志是以君子見大水必觀焉○續述征記曰梁鄉城西有籠水云齊孝婦誠感神明涌泉發于室內潛以續籠覆之由是無負汲之勞家人疑之時其出而搜其室試發此籠而泉遂潰漏

流漂居宇故曰籠水

四海

什名云海晦也主引穢濁其水黑而晦海一云朝夕
池海神曰海若○博物志云天地四方皆海水相通
地在其中蓋無幾也七戎六蠻九夷八狄形類不同
總而言之謂之四海言皆近于海也四海之外皆復
有海云○丘文莊公曰自漢南越入中國始有南海
然西海竟不知所在今祀東海于登州祀南海于廣
州皆臨海而祭西海則望祀于蒲州北海則望祀于
懷慶蓋因宋都汴而懷慶在其北是時失幽燕無因

至遼薊之間而北望祭之可也 國朝都燕而往南
以祭北海可乎古謂青州爲北海郡今京師東北乃
古碣石滄海之處于北立祠爲宜滇之極西百夷之
外聞有大海通西南島夷卽西海也宜于雲南城望
祀之按王莽立西海郡于西寧之地亦妄也今滇西
百夷之外有大海在今阿瓦地沐璘爲都督曾至其
地有詩云蛇首樓船十丈長船頭鐃鼓樂笙簧萬師
百櫓齊搖去阿瓦城邊水似湯卽西海無疑矣又按
王克論衡云漢得西王母石室因立西海郡而漢書
不載其事今其地沒于匈奴矣柳子厚鐃歌題云李

靖滅吐谷渾西海上○裨海說文裨接益也以小益
大曰裨西域傳有裨王漢書有裨將鄒衍書四海之
外有裨海環之書名有裨蒼裨雅皆以小益大之義
○文選崩雲屑雨又曰蕩雲沃日註曰大波之飛相
磨激勢相拂如雲之崩如雨之屑屑猶分散也○又
曰包軋之與括坤之區○又云惟神是宅亦祗是廬
何奇不有何怪不儲○大志經云海有三德一曰深
廣無邊二曰清淨不受雜穢三曰藏積無量珍寶○
海志云海有五德一澄淨不受屍二多出妙寶三大
龍澍雨大如車軸受而不溢四風日不能竭五淵深

不測○按東海之別有渤海故東海其稱渤海又通
謂之滄海博物志云滄海之中有蓬萊方丈瀛洲三
神山金銀爲宮闕仙人所集列子稱渤海之東有大
壑名曰歸墟其中有岱輿員嶠方壺瀛洲蓬萊五山
十洲記曰東海之別又有溟海員海山海經有岐海
幼海少海又云閩既皆在岐海中○按南海大海之
別有漲海西海大海之東小水名海者則有蒲昌海
蒲類海青海陸渾海潭瀾海陽池海注漢書蒲昌海
一名鹽澤廣袤三百里其水澤冬夏不減皆以潛行
地下南出積石○郭義恭廣志云蒲類海在西域東

北竇固擊伊吾戰于蒲類海○十三洲記曰允吾縣
西有卑禾羗海代謂之青海○後魏書曰太祖西征
次陸渾海○郭義恭廣志云羗中之西有渾彌海陽
池海○按北海大海之別有瀚海瀚海之南小水名
海者則有渤鞞海伊連海私渠海注竇憲伐匈奴至
渤鞞海○廣志云匈奴中北有伊連海○後漢梁諷
說北單于單于喜卽將人衆與諷俱還到私渠海○
凡四海通謂之裨海裨海外復有大瀛海○山海經
曰無臯之山南望幼海○又云朝陽之谷神曰天吳
是爲水伯其爲獸也十八尾八首人面八足也○漢

書云會稽海外有東鯤壑分爲三十餘國以歲時來獻○山海經云聶耳國在無腸國東兩手聶其耳縣居赤水中○幽明錄海中有金臺山高百丈結構巧麗窮極神工橫立巖渚竦曜龍門臺內有金機雕文備制○大志經云大意初入海中至白銀城次至黃金城次至水晶城次至璫瓊城龍王各與明月珠○廣輿志曰寧海縣東海中其水湍急陷爲大渦者十餘處凡百浮物近之則溺名曰尾閭

寧海縣山縣也

潮汐附

抱朴子潮者朝來汐者夕至一月之中天再東再西

故潮水再大再小夏時天高一萬五千里故大冬時
天卑一萬五千里故小臨海志海潮每晝夜再至郊
酉之月陰陽之交氣以交而盛故潮獨大于餘月朔
望之後爲陰陽之變氣以變而盛故潮獨大于餘日
河

春秋說題辭云河之爲言荷也荷精分布懷陰引度
也○援神契云河者水之伯上應天漢○風俗通云
江河淮濟爲四瀆瀆通也所以通中國垢濁○爾雅
云河出崑崙墟色白所渠并千七百一川色黃百里
一小曲千里一曲一直又云水自河出爲澨○學記

云三王之祭川也皆先河而後海王制云天子祭四
瀆視諸侯○京房易傳云河者經天亘地之水○山
海經云不周之山北望諸毗之山臨彼嶽崇之山東
望沕澤河水所潛也其源混混泡泡注沕澤卽蒲昌
海河之重源也○淮南子云河以逶迤故能遠○漢
書谷永云河中國之經瀆聖王興則出圖書王道廢
則竭絕潰溢橫流漂沒陵阜異之大者也○柏子新
論王平仲云周譜言定王五年河從故道今所行處
非禹所穿○元史云朶甘衛西鄙直馬湖蠻部正西
三千餘里去雲南麗江府西北一千五百里水從地

湧出百餘泓方七八十里履高瞰之燦若星列因名
星宿海東北流百餘里匯爲大澤又東流爲赤賓河
又合忽蘭等河始名黃河又東北至陝西蘭縣始入
中國又東北經沙漠地折而南流入山西境凡九千
餘里○苑洛語錄云河至河間永平二府播爲九河
古平州之南滄州之北也逆河今永平府東境大海
發一洋自東而西古逆河也轉曲之間撫寧縣有碣
石古驪城也今河徙而逆河尚存河與江淮濟爲四
瀆河曰河宗四瀆之所宗也說文云河者下也隨地
下流而通也按史記云河有兩源一出葱嶺一出干

闐于闐在南山下其河北流與葱嶺河合東注蒲昌
海伏流地中南出積石其山多玉石武帝因按古圖
書名河所出山曰崑崙班固以騫爲未嘗見崑崙唐
薛元鼎使吐蕃自隴西成紀出塞二千里得源于閼
磨黎山中高四下所謂崑崙水東北流與積石河相
連河源澄瑩冬春可涉下稍合流色赤益遠他水并
注遂濁吐蕃亦自言崑崙在其西南故蔡氏尚書禹
貢傳兼取二說而歸是于薛然皆非耳目見聞之實
論元至元十七年命都實佩金虎符往求河源自河
州四閱月始抵其處學士潘昂霄述其所見爲志謂

河源出吐蕃朶朶思西鄙有泉百餘泓沮洳渙散方可七八十里瞰之如列星群流奔轅五七里匯二巨澤自西而東經歷可半月合赤賓河其流浸大始名黃河然水猶清又一二日岐爲八九股行可二十日至朶朶思東北有大雪山卽崑崙也自是凡七八日河水北行轉西崑崙北行一東北流可二十日至禹貢積石自發源至漢地南北溪澗分流合派莫知紀極至積石始林木暢茂及考臨川朱思本得譯出梵字圖書其間分合轉折與志或異而崑崙積石地域遠近大要相同大槩謂河源東北流所歷皆西番地

至蘭州凡四千五百餘里始入中國又東北流過胡地凡二千五百餘里始考張騫使西域所至惟大月氏大宛大夏康居其餘旁國皆得之傳聞徒見鹽澤伏流至于積石再出遂謂此爲河源誠未覩河源班固非之宜矣元鼎雖亦以使事往吐蕃履歷有序其言崑崙水委曲可信故蔡傳以元鼎之言爲近然亦未究極至元有天下薄海內外皆置驛使通道絕域如行國中都實又特以河源事往所詣多鄉導指授其所紀載當有證據然後知于闐鹽澤崑崙積石譬如常山之蛇張騫見其尾元鼎見其腹而都實所至

昇霄所紀庶幾見其全體矣

集升庵

○孔氏曰九河故

道河間成平以南平原鬲縣以北○河圖緯象曰黃
河出崑崙山東北流千里折西而行至于蒲山南流
千里至于華山之陰東流千里至于桓雍北流千里
至于下津河水九曲長九千里入于渤海○水經注
曰黃河百里一小曲千里一曲一直○崑崙山一名
崑岑○司馬相如傳竭度九江越五河注師古曰五
河五色河也仙經有紫碧絳青黃之河○蔡傳曰黃
河自積石三千里而後至龍門龍門而下記其自北
而南則南至華陰記其自南而東則至底柱又詳記

其東向所經之地則曰孟津曰洛汭曰大伾又記其
自東而北則曰北過泮水又詳記其北向所經之地
則曰大陸曰九河又詳其入海之處則曰逆河自洛
汭而上河行于山其地皆可考自大伾而下垠岸高
于平地故決齧流移水陸遷變而泮水大陸九河逆
河皆難指實然上求大伾下得碣石因其方向辨其
故迹則猶可考也○黃河十二月皆有水名正月凌
解水二三月桃花水四月麥黃水五月瓜蔓水六月
樊山水七八月荻苗水九月登高水十月覆糟水十
一二月感凌水水衡記○易乾度帝王將起河水將清

清變白白變赤赤變黑黑變黃各三日○山海經曰
陽紆之山河出其中陵門之山河出其中又曰積石
之山其下有石門河水冒以西南流冒猶處也○初學記
按水經注及山海經注河源出崑崙之墟注山海經
曰崑崙山縱橫萬里高萬一千里去崑崙山五萬里有
清河白河赤河黑河環其墟其白水出其東北陬屈
向東南流爲中國河東流潛行地下至規期山北流
分兩源一出葱嶺一出于闐其河復合東注蒲昌海
復潛行地下南出積石山西南流又東迴入塞燉煌
酒泉張掖郡南與洮河合過安定北地郡北流過朔

方郡西又南流過五原郡南又東流過雲中西河郡
東又南流過上都河東郡西而出龍門至華陰潼關
與渭水合又東廻至底柱及洛陽至鞏縣與洛水合
成臯與濟水合又東北流過武德與沁水合至黎陽
信都鉅鹿之北遂分爲九河又合爲一河而入海故
尚書稱導河積石至于龍門南至于華陰北至于底
柱東至于孟津東過洛汭至于大伾北過泇水至于
大陸又北播爲九河同爲逆河至于海是也初禹自
黎陽東北界分河爲二渠以引水一南出會隰川今
河所流也

今河滑州以東是舊隰水

一出貝丘卽九州之上河王

莽廢塞故俗謂之王莽河

貝丘塞今但用熱耳

隋煬帝于衛縣

因淇水之入河立淇門以通河東北行得禹九河之故道隋人謂之御河○河伯姓馮氏名夷浴于河中而溺死是爲河伯太公金匱曰河伯姓馮名修淮南子曰馮夷服夷石而水仙後漢張衡傳注引聖賢冢墓記曰馮夷者弘農華陰潼鄉隄首里人服八石得水仙爲河伯又龍魚河圖曰河伯姓呂名公子夫人姓馮名夷唐碑有河侯新祠頌秦宗撰文曰河伯姓馮名夷字公子數說不同蓋本于屈原遠遊篇所謂使湘靈鼓瑟兮令海若舞馮夷前此未之用也按山海

經云從極之淵深三百仞維冰夷恒都焉冰夷人面
乘兩龍穆天子傳云天子西征驚行至于陽紆之山
河伯無夷之所都右二說皆出屈原前蓋冰夷無夷
卽馮夷也淮南子又作馮遲

出直
珠船

○九河在今滄瀛

景德之間或者求于此而不得則以爲淪入于海不
知河昔北流故分爲九河自周定王五年河道旣改
則九河漸湮乃必然之理豈得經流旣息而支流仍
在乎大率河底常高故自古瀕河之地每有異常之
水河必驟盈盈則決每決必瀾漫橫流深者成渠以
漸成河淺者淤澱以漸成岸數年之後下流淤塞則

中流河底又以漸而高而河又不容不徙矣旣徙之
後則其故道風填沙塞復爲平陸無足怪者此九河
故道所不可復尋也

洲

爾雅曰水中可居曰洲李巡注四方皆有水中央獨可居○韓詩章句曰河之洲蔽隱乎無人之處○說文云堯遭洪水民居水中高土故曰九州詩曰在河之州作洲非○方言洲三輔謂之淤○釋名云洲聚也人及鳥獸所聚息之處

谷

爾雅云水注川曰谿注谿曰谷○說文云泉通川曰谷○老子云谷得一以盈谷無以盈將恐竭

周行

爾雅云路旅途也路場猷行道也○周禮遂人凡治
野遂上有徑溝上有畛洫上有途澮上有道川上有
路註云徑容牛馬畛容大車涂容乘車一軌道容二
軌路容三軌又云遺人掌道路之委積量人書天下
之涂數司險掌九州之圖以周知其山林川澤之阻
而達其道路設國之五溝五涂候人各掌其方之道
治令方氏掌達天下之道路野廬氏掌達國之道路
至于四畿比國郊及野之道路匠人云王城經涂九
軌環涂七軌野涂五軌環涂以爲諸侯經涂野涂以
爲都經涂○禮記曰道路男子由右婦人由左車從

中央又云季春開通道路無有鄣塞○左傳司徒以時平易道路○羅長源據遂人職自徑至路凡五涂莫枝于達莫大于路涂一日旅亦謂之行所謂旅樹微行者

崔嵬 硎

爾雅云石戴土謂之崔嵬而傳云土山之戴石者谷風之惟山崔嵬傳又云山巔也○按傳與爾雅之說正相反下文釋硎亦若是○釋名云石戴土曰硎硎臚然也

岡

爾雅云山脊曰岡孫炎註長山之脊也○釋名云岡亢也在上之言也

江漢

職方氏其川江漢黃氏曰江水自夷陵而下爲州界東流會于彭蠡漢水自房陵以下爲州界東南至漢陽入江郡縣志漢水經南鄭縣去縣一百步水經及註大江出岷山州茂東南在蜀郡氏道縣漢水出峽歷荆門江陵華容至江夏沙羨縣州界西北沔水從北來注之沔水出武都沮縣興州今沔州東狼谷中漢水出鮒嶠山沔水東南流注漢曰沮口所謂沔漢者也孔安

國曰漾水東流爲沔盖與沔合也至漢中爲漢水是

互相通稱矣東經沔陽

興元府

南鄭西城

金州

錫縣襄陽

宜城縣

襄陽府

郤縣

鄧州

石城竟陵

復州

又東南與陽口合

至江夏沙羨北南入于江庾仲雍云沔水南至關城

合西漢水漢水又東北合沮口同爲漢水之源通典

興元府金井縣有嶓冢山禹導漾水至此爲漢水亦

曰沔水顏師古云漢上曰沔李氏曰四瀆惟江最大

江發于岷逕夔荆達揚而入于海此江之源也易氏

曰考元和志岷山近在茂州而江源遠在西徼在松

州之境外自蜀而言江之外其水有七出于緜之神

泉曰縣水出于什邡之章洛山曰洛水分流于永康之湔堰曰湔水縣水自縣竹紫巖山經德陽雒水自什邡入雒湔水逕導江崇寧九隴蒙陽亦入洛三水皆合于雒自雒逕懷安簡資富順至瀘與江水會總曰內水發源于江油之青川逕縣潼遂東至于合曰涪水發源于沔之青泥嶺逕大安利閭果至合于涪水會曰嘉陵水發源于小巴嶺逕巴蓬之伏虞西南以至于渠曰巴水出萬頃池逕明通又至渠與巴水合曰渠水巴渠二水既合逕廣安新明至今于嘉陵涪水會以達于渝而江始大此七水與江別合之

大略也若分流出夷中入中國以附于江者有三曰
青衣曰羊山曰馬湖青衣出來山徑嚴道洪雅夾江
而下羊山出鐵豹嶺徑漢源出嘉定之南與青衣合
入于江馬湖自夷都流至叙亦入于江又有出于郡
邑之山澤者則自岷峨而下泐流以至于夔不勝其
衆其大者如盛山之萬頃池則醜流有四一入于渠
三入于夔惟漢水出嶓冢與江分流由漢金匱至
江夏大別山始與江合此蜀衆水接連荆楚源流之
大略也○胡文定公曰欲保上流必保漢沔○漢發
源于嶓冢合流于大別自雍及荆滙異爲同江發源

于岷山合流于漢自蜀至楚流行最遠○大別之東彭蠡之東乃江漢合流之處○易氏曰江自歸州秭歸至鄂州武昌凡一千四百餘里漢自均州武當至漢陽軍漢陽縣凡一千四百餘里皆荊州地○夾漈鄭氏曰周爲河洛召爲岐雍河洛之南瀕江岐雍之南瀕漢江漢之間二南之地詩之所起在于此屈宋以來騷人辭客多生江漢故仲尼以二南之地爲作詩之始○名物疏按江水出四川成都府茂州岷山又謂之汶山西南流經灌縣又東北流經重慶夔州府界入湖廣荊州府歸州出峽東流過常德府又東

至武昌府合漢水于漢陽府之大別山東北至揚州入海武昌在江之東漢陽在江之西而漢水在漢陽之北江漢合流蓋在武昌漢陽之間

江

什名云江公也諸水流入其中所公共也○風俗通云江貢也所出珍物可獻貢也○江出岷山其源實自蜀西戎萬山來至嘉州而沫水自鶴州合大渡河穿夷界十山以會之至叙州而馬湖江會之又十五里而南廣江會之至瀘州而內江又自資簡會之至重慶而嘉陵江自利閬果合等州會之至涪州而黔

江合南夷諸水會之至萬縣而開江水自開達等州
會之夫然後總而入峽是江自峽而西受大水凡八
及出峽而下岳陽則會之者洞庭湖所受湖南北諸
水也又自是而下鄂渚則會之者漢口所受興元諸
水也又自是而下黃州東四十五里則會之者巴河
也又自是而下九江則會之者彭蠡今名鄱陽湖所
受江東西諸郡水也又自是而下則會之者皖水所
受淮西諸水也夫然後總而入海是以自峽而東又
受大水凡五略計天下之水會江者居天下之半其
名稱之大而可考者凡十有三故曰江源其出如甕

而能滔滔萬里達海所受者衆也嗚呼問學者可以

觀矣

片庵集

○禹貢曰三江既入諸註之說極多國語

子胥曰三江環之民無所移常昭註曰三江松江也
錢塘也浦陽也秦語云越王擒之于三江之浦范蠡
曰與我爭三江五湖之利者非吳與吳越春秋曰范
蠡乘舟出三江之口越絕書云出三江之口入五湖
之中唐仲初吳都賦注松江下七十里分流東北入
海爲婁江東南流者爲東江并松江爲三江張守節
史記正義曰三江者在蘇州東南三十里名三江口
一江西南上七十里至太湖名曰松江古笠澤江一

江東南上七十里白蜺湖名曰上江亦曰東江一江
東北下三百餘里入海曰下江亦曰婁江于其分處
號曰三江口顧夷吳地記云松江東北行七十里得
三江口東北入海爲婁江東南入海爲東江并松江
爲三江是也周禮職方氏云揚州藪曰具區川曰三
江按五湖三江韋昭註非也其源俱不通太湖引解
三江旣入失之遠矣鄒山黃氏曰世之說三江者甚
衆率于地理不合至稅安理安理對人地理指掌禹
圖或以爲東坡非也貢指掌圖一出指豫章九出彭蠡者爲南江以足經
文中江北江之數其論始定審如其說于震澤何關

耶其曰歷卅陽毘陵入今大江者爲北江首受蕪湖東至陽羨者爲中江分于石城過宛陵入具區者爲南江三江皆震澤上下而皆入海其說似矣然卅陽毘陵之入江者特港蒦一二詎應影附大江而謂之江而首蕪湖分石城之二水皆在震澤上流又可以入海言耶以今所見受震澤水東入于海者惟吳松一江不見其三也舊有安亭一江由青龍鎮入海權利者慮其走商稅塞之又有白蜆一江以通青龍今亦塞而耕稼之豈禹三江舊迹在是有可訪而復之者耶按蔡沈黃震之說皆于下流求之名以地訛號

隨世改恐非禹貢三江之說也曷于上流發源求之
徐鉉注說文云江出岷山至楚都名南江至潯陽爲
九道名中江至南徐州名北江入海郭璞山海經注
岷山大江所出也崐山南江水所出也岨山北江水
所出也三江皆發源于蜀而注震澤禹貢紀其源而
及其委耳豈區區爲吳地紀其瑣瑣改易不常之名

乎

井庵集

○蜀山之大者曰岷山其川曰岷川岷字說文

作𡵚省作岷漢人隸書作汶多與汶上之汶相混列子
貊不踰汶謂川江也非汶上也殷敬順已辨之矣史
記冉驪爲汶山郡司馬溫公類篇曰汶音岷據中記

引禹貢岷嶓旣藝及岷山之陽及岷山導江皆作汶
盖古字通用也三國志蜀後主至瀘登觀坂觀汶水
之流王右軍與周益州撫書曰要欲一游目汶嶺五
代史蜀主王建貶衛尉少卿李綱爲汶川尉徐無黨
注汶讀作岷而今汶川縣誤呼作問音蜀焉得齊南
魯北之水平叙州驛名汶川考古志作漫川丹庵集○
江自嘉州至荆門名灘險地凡千百餘其灘之外有
洞有磧凡數十皆見于字書今載其略曰洞疾流也
江中有達洞構水洞水流沙土曰瀨江中有瀨和尚瀨水出尾下曰漢今地
名七回流旋轉曰漩今有南石積水淺曰積今有土
漢

水疾崖傾曰礧

礧礧今有關王

礧礧今有子礧礧

礧礧相湊曰林

音子

音子今有

危水如轉轂曰漕

今有野

水漫不流曰沱

渾下急流

曰灘其名尤多不盡書也

升庵

○岷山地志蜀郡有

前道岷山

音

在西徼外江水所出也在今汶山縣

而晁氏則謂蜀以山近江源者通謂岷山連峰疊岫

不詳遠近青城天彭諸山之所環遶皆古之岷山青

城山乃其第一峰也今按岷山蟠據華夷江出其間

誠有如晁氏之所言者○玉海地理通釋江源在松

州交川縣西北江源鎮至茂州岷山自岷山東流別

而爲沱至通州海門縣入海山○山海經岷山江水

出焉東北流注于海峽山嶠山江水出焉東流注于
大江○古言云江源發梁州高峻處出峽稍平禹疏
其上源爲三十六江所謂東別爲沱也河流注兗州
卑處入海甚湧禹疏其下流爲九河所謂播爲九河
也九江非禹所分原有九水注于洞庭今九江府非
禹貢九江○又云傳三江者以婁江東江當之恐非
夫謂之江源泉所注積爲巨川衍爲長流者今吳地
三江直畎澮之大者豈足爲江三江九江九河音同
蘇說謂岷山之江爲中江蟠冢之江爲北江豫章之
江爲南江卽導水所謂東爲北江東爲中江者既有

中北二江則豫章之江爲南江矣蔡氏力辨其非豈知江流變遷安得據今之江流而什古書也況江漢合流同滙于彭蠡旣滙而東合而復分至海口而復合入海猶同爲遶河入海也若以蘇說爲非今之江流則今之江流亦非書之北江中江矣安得據以書之中江北江爲誤而以今之江流爲足據耶○初學記按水經及荊州記云江出岷山其源若甕口可以濫觴在益州建寧滿江縣潛行地底數里至楚都遂廣十里名爲南江初在犍爲與青衣水汶水合至洛縣與洛水合東北至巴郡與涪水漢水白水合東至

長沙與澧水沅水湘水合至江夏與沔水合至潯陽
分爲九道東會于彭澤經蕪湖名爲中江東北至南
徐州名爲北江而入海也尚書稱岷山導江東別爲
沱又東至于澧過九江至于東陵東迤北會于滙東
爲中江入于海是也○凡長江之別有郢音郢江卽大
江之支流也亦曰涪江亦曰湔水在蜀與洛水合○
凡長江有別名則有京江今潤州丹徒縣也瓜步江
今揚州六合縣也烏江今和州烏江縣也曲江今揚
州也潯陽九道一曰烏江二曰蚌江三烏土江四嘉靡
江五畎江六浮江七稟江八提江九茵江東會于彭

澤經蕪湖名爲中江○晏子云江深五里海深十里
○廣雅云江神謂之奇相江記云帝女也卒爲江神
○岷山又謂之汶山今汶山縣朱子曰出永康軍岷
山漢志大別在廬江安豐縣界○水經云岷山在蜀
郡氐道縣大江所出注岷山卽瀆山也水曰瀆水又
謂之汶阜山在徼外江水所導也○春秋元命苞云
牛女爲江湖江湖者所以開神潤化故其氣湍急○
河圖括地象曰岷山之精上爲井絡帝以會昌神以
建福又云井絡耀纏江漢秉靈泉流深遠盛爲四瀆
之首○宋劉裕遣朱齡石伐蜀寇譙衆軍悉從外水

取成都臧儋從中水取廣漢老弱乘高艦取內水向
黃帝史炤通鑑釋文曰巴郡今之重慶正對二水口右則
涪內水左則蜀外水自渝上合州至綿州曰內水自
渝上戎瀘至蜀謂之外水外水即岷江自重慶上叙
州嘉定是也內水即涪江自重慶上合州遂寧潼綿
是也中水即沱江自瀘州上富順資簡金堂漢鼎是
也曰四川者則取岷江沱江黑水白水四大川以爲
名耳

漢

祝穆曰天下之大川以漢名者二班固謂之東漢西

漢而黎州之漢水源于飛越嶺者不與焉固之所謂
東漢則禹貢之導漾自嶓冢山逕梁洋金房均襄郢
復至漢陽入江者也西漢則蘇代所謂漢中之甲輕
舟出于巴乘夏水下漢四日而至五渚者其源出于
西和州徼外徑階沔與嘉陵水合俗謂之西漢又徑
大安利劍果合與涪水合入于江升庵集○漢水西山
有九井井中常出五色烟高數丈述異記○一統志云
漢江源出陝西鞏昌府隴西縣嶓冢山由漢中流經
湖廣襄陽府鄖縣均化光化至府城北由東南經宜
城抵安陸州至漢陽府大別山入于江沔水源出湘

水南入大江與漢水合按三國志以前書傳多言漢不言沔三國志以後言沔不言漢先儒皆疑漢沔爲二然今二水源流不同惟書疏引應劭云沔水下尾與漢合乃入江爲得其實○常璩云漢水有二源東源出武都氐道縣漾山爲漾水禹貢導漾東流爲漢是也西源出隴西嶓冢山會泉逕葭萌入漢始源曰沔酈道元云東西兩川俱出嶓冢而同爲漢水○黃氏曰漢水二源一源出秦州天水縣謂之西漢水至恭州巴中縣入江一源出大安軍三泉縣謂之東漢水至漢陽軍入江大別山在焉○水經注地理郡國

志並言漢有二源東出氐道西出西縣東西兩川俱出嶓冢而同爲漢水○通典秦州上邽縣嶓冢山西漢水所出經嘉陵曰嘉陵江經閬中曰閬江漢水金牛縣嶓冢山禹導漾水至此爲漢水亦曰沔水上邽今廢入青水金牛今廢入褒城○蔡氏曰東源在今西縣之西西源在今三泉縣之東○山海經云嶓冢之山漢水出焉東南流注于沔○禹貢云嶓冢導漾東流爲漢又東爲滄浪之水過三澨至于大別南入于江東滙澤爲彭蠡東爲北江入于海○水經云漾水出隴西氐道縣嶓冢山東至武都沮縣爲漢水至

漢州江津縣東南入于江沔水出武都沮縣東狼谷中又東逕沮水戍而東南流注漢南至江夏沙羨縣北南入于江○水經注云漢水東經西城縣故城南又東爲龍泉泉上有胡鼻山石類胡人鼻故也下臨龍井渚泉深數丈○又云漢水右對月谷山有月坂月川于其中黃壤沃衍○又云漢水經大小黃金山南有黃金峭北對黃金谷有黃金戍○又云漢水東經魏興郡之錫縣故城北爲白石灘故春秋之錫穴地也○名物疏按諸書皆以爲漢有二源今考之出鞏昌府秦州之岷冢至四川重慶府江津縣而入江

者西漢水也水經所紀導漾爲漢者也出漢中府沔縣之嶓冢至漢陽府入江者東漢水也水經所紀沔與漢合也漾至沮縣卽爲漢水沔水出自沮縣蓋別爲一水也沮縣今漢中之略陽惟漾至沮爲漢而沔又出于沮縣此古之言二水者多混爲一與

汜 沱

楚辭哀郢遵江夏以流亡江大江也夏水也或以爲自江而別以通于漢還復入江冬竭夏流故云夏其入江處今名夏口卽所謂江有汜也○洪氏楚辭補註曰水經云夏水出江流于江陵縣東南註云江津

豫章口東會中夏口是夏水之首江之汜也○禹貢
荊州梁州皆有沱曰沱潛旣道○孔氏曰發源梁州
入荊州○水經氏道縣江水又東別爲沱註云開明
之所鑿也○郭景純謂王壘作東別之標今茂州汶
山縣○通典沱水在彭州唐昌縣今崇寧縣○蔡氏
曰爾雅水自江出爲沱南郡枝江縣有沱水然其流
入江而非出于江也華容縣有夏水首出于江尾入
于沔亦謂之沱此荊州之沱蜀郡郫縣江沱在東西
入大江汶江縣江沱在西南東入江此梁州之沱○
黃氏曰沱自導江縣分江東至眉州彭山縣入江○

李氏曰禹貢岷山導江東別爲沱此梁州之域也江沱之間卽梁山之界乃岐西之地居江沱者以江沱起興○金氏曰今江陵府松溪縣南枝江縣北江分三十餘下流復合曰策籬江公安縣有沱潛港此皆沱也○凡水自大川而別出者如自河出爲灘沛出爲沮洛出爲波漢出爲潛江出爲沱一例

汝墳

李氏曰汝水東南之水也出汝州魯山東南至蔡州褒信縣入淮○朱氏曰出汝州梁縣大息山○博物志出燕泉山○水經云汝水出河南梁縣勉鄉西天

息山○水經註亦出魯陽縣大孟山○地理志出定陵縣高陵山註魯陽今汝州魯山縣定陵今潁昌府舞陵縣○杜氏曰至褒信入睢○朱氏曰自潁川入淮○說文還歸山東入淮○又言出弘農盧氏縣還歸山○博物志曰汝出燕泉山並異名也今汝水出汝陽大孟山黃柏谷西卽盧氏界也○朱傳云逕蔡潁州入海淮蔡今河南汝寧府上蔡縣潁州今鳳陽府潁州○一統志汝水源出河南府嵩縣分水嶺經河南府邲縣會扈澗長橋等水戴液圍造等溪東流入于淮○汝墳城在南陽府葉縣境內○釋丘云墳

大防李巡曰墳謂崖岸狀如墳墓名大防也○周禮
墳衍其動物宜介物其植物宜莢物其民哲而瘠注
云水厓曰墳下平曰衍○方言曰墳地大也青幽之
間凡土而高大者謂之墳○名物疏按釋水云汝爲
瀆郭璞註引詩遵彼汝墳大水溢出別爲小水之名
又曰汝有墳李巡曰汝旁有肥美之地毛公不同釋
水義者或以瀆墳字異然常武傳云瀆涯則毛以瀆
亦爲大防也

漕 陳 宋

漕卽漕邑括地志曰白馬故城在滑州衛南縣西南

二十四里通典滑州白馬縣衛國曹邑戴公廬漕卽
此戴延之西征記云白馬城故衛之曹邑衛南今屬
開德府本楚丘之地也○孔氏曰漕地在鄆而邶曰
土國城漕國人所築之城也思須與漕衛女所經之
邑也○陳國今陳州宛丘漢陳縣○宋國今應天府
宋城漢睢陽縣輿地廣記○鄭譜云武王克商以陶唐氏
火正閼伯之墟封微子啟爲宋公代武庚爲商後其
封域在禹貢徐州泗濱西及豫州盟豬之野○朱傳
宋都商丘

寒泉

通典在濮州濮陽縣東南浚城○水經註濮水枝津東逕浚城南而北去濮陽三十五里城側有寒泉岡○李氏曰一云浚水出浚儀東經邙地入濟○輿地廣記云開封縣有浚溝詩所謂浚郊浚都也祥符北有浚水故謂浚儀有寒泉阪○玉海云按毛詩浚衛邑于旄云在浚之都下邑曰都當以在濮陽者爲正卽今河南開封府也

涇

漢志云涇水出安定涇陽縣西峴頭山東南至馮翊扶風汧縣絃蒲藪○山海經涇西五十里曰涇谷之

山涇水出焉東南流注于渭是多白金白王○水經
注云涇水東歷峽謂之涇峽○周官雍州其浸渭洛
其川涇汭○史記云涇渭非大川以近咸陽得比山
川祀○涇山海經出長城北職方雍州論都賦帶以
涇渭號曰陸海○鴻渭之流徑入于河大舩萬石轉
漕相過○孔氏曰禹貢涇屬渭汭孔註云水北曰汭
言治涇水入于渭註云涇渭發源皆幾二千里然而
涇小渭大屬于渭而入于河○漢溝洫志云涇水一
石其泥數斗○地理志涇水出今安定山涇陽縣西
峴頭山東南至京兆陵陽行千六百里入渭○三秦

記云涇渭合流三百里清濁不雜○淮南子云涇水出薄洛山薄洛山卽峴頭山也

渭

春秋說題云渭之爲言布也渭謂流行貌○禹貢導渭自鳥鼠同穴東會于澧又東會于涇又東過漆沮入于河○山海經云鳥鼠同穴之山其上多白虎白玉渭水出焉而東流注于河註山今在隴西首陽縣西南山有鳥鼠同穴鳥名曰鷦鼠名曰鼪鼪如人家鼠而短尾鷽似燕而黃色穿地入數尺鼠在內鳥在外而共處鳥鼠山俗呼爲青雀山東北過狄道縣南

上邽縣北陳倉縣南武功縣北槐里縣南與澇澧二水合東至高陵與涇水合又與漆沮水合經秦漢之都至潼津而入河也○河圖曰鳥鼠同穴山地之幹也渭水出其中○郡縣志渭水所出凡有三源並下○名物疏按渭水源出陝西臨洮府渭源縣漢首陽縣鳥鼠山西北谷流逕鞏昌府秦川又經鳳翔府寶雞縣至岐山縣入西安府武功縣北興平縣南至咸陽縣界豐水南來注之又東過長安縣北與涇水合于高陵東流至華陵縣界入河○三輔記云秦都咸陽渭水貫都以象天河橋橫南渡以法牽牛○漢書云文

帝親拜灊渭之會以郊見渭陽五帝如淳註曰二水之合也○益部耆舊傳云漢武帝時張寬爲侍中從祀甘泉至渭橋有女子浴于渭水乳長七尺上怪其異遣問之女曰帝後第七車知我所來時張寬在第七車對曰天星主祭祀者齋戒不潔則女人星見○史記云周幽王二年西周三川皆震伯陽甫曰周將亡矣註曰三川謂涇渭洛也與灊湓潏潏豐瀇爲關中八水

旄丘

爾雅云前高旄丘李巡曰謂前高後卑下○釋名云

前高曰旄丘如馬牟頭垂髦也○一統志在大名府開州城北○寰宇記在澶州臨河縣東九域志開德府有旄丘丘字二人立一上一下者地也四不高中央下象形也

泉水

藍田呂氏曰泉水卽今衛州共城之百泉也淇水出相州林慮縣東流泉水自西北來注之故曰亦流于淇而竹竿詩泉源在左淇水在右者蓋主山而言之相衛之山東面故以北爲左南爲右○水經注泉源水有二源一水出朝歌西北又東與左水合謂之馬

溝水又美溝水出朝歌西北大嶺下更出逕駱駝谷於中逶迤九十曲故俗有美溝之目歷十二嶧嶧流相承泉響不斷○寰宇記澶州頓丘縣東北三十五里有泉源洞○一統志泉源在頓丘右城東北頓丘城在大名府清豐縣西南○名物疏按呂云衛州共城卽今河南衛輝府輝縣古共伯國衛都朝歌今大名府濬縣境共城在朝歌西南相州林慮縣卽彰德府林縣也在朝歌西北泉與淇合當在于此○一統志謂頓丘有泉源又謂衛河源出輝縣則百泉卽衛河之源也○水經注卽源泉之水也淇水左右蓋舉

水所入爲左右

淇

山海經云沮洳之山淇水出焉南流注於河○水經云淇水出河內隆慮縣而大號山東過內黃縣南爲白溝屈從縣東北與洹水合過廣宗縣東爲清河○通典云淇水至衛州衛縣界入河謂之淇水口古朝歌也衛居河淇之間○一統志淇水源出林縣林慮山中綿歷太行而東至大名府濬縣枋頭東流入衛河衛河源自輝縣經大名府濬內黃二縣下流與淇漳滹沱等河合至直沽入海大名府濬縣卽古衛州

詩經類考

地理類考

四

衛縣○竹書紀年晉定公二十八年淇絕於舊衛卽此○地理志出河內共縣北山東至黎陽入河○溝洫志遮害亭西十八里至淇水口

洧

洧淵毛氏曰地名箋云洧淵所嫁國適衛之道所經○蘇氏云書濟入於河溢爲滎春秋傳衛敗于滎澤故洧水及衛○水經濟濟水出河東垣縣東王屋山○禹貢云導洧水東流爲濟入于河溢爲滎東出于陶丘北又東至于蒗又東北會于汶又東北入于海○玉海云濟水在孟州濟源縣西北三里平地而出有

二源東源周圍七百步深不可測西源周圍六百八十五步深一丈源出王屋山○風俗通云濟者齊齊其度量也○名物疏按說文洿洿也東入于海濟水出常山房子贊皇山東入泚音池二水音同經傳通誤書洿爲濟惟此經文不誤耳應劭遂以出贊皇者爲洿失之遠矣○一統志濟在河南懷慶府濟源縣西北三里源發王屋山下旣見而伏復出於此有東西二源合流至溫縣南入黃河其水性下且勁過黃河之南溢而爲滎往東若斷若續或伏或見而入于海

○東郡臨邑有洿廟

禰

寰宇記云大禰溝在曹州冤句縣北七十里今興仁府冤亭縣○一統志大禰溝在山東兗州府曹州界內詩飲餞於禰卽此今淤塞

干

毛傳云干言所適國郊也○地里志東郡有發干縣曹氏云卽此所謂干○玉海云故發干縣今開德府觀城本觀城縣屬山東東昌府○路史云郡國志衛縣南有干城詩出宿于干者今開封有邛溝一云今開德府觀城

言

隋志邢州內丘縣有干言山○水經注泚水又東南經干言山○一統志干言山在直隸順德府唐山縣西北四里衛詩出宿于干飲餞于言卽此○李公緒曰柏人縣有干山言山柏人邢州堯山縣

肥泉

爾雅云歸異出同肥疏小水支分歸入大海則異其泉源初出則同流者名肥○釋名云所出同所歸異曰肥泉本同出時所浸潤少所歸各枝散而多似肥者也○水經注馬溝水出朝歌城北又東流與美溝合又東南注淇水爲肥泉詩我思肥泉毛云同出異

歸爲肥泉今是水異出同歸○唐盧潘合肥辨云按肥水出鷄鳴山北流二十里所分而爲二其一東南流經合肥縣南又東南入巢湖其一西北流二百里出壽春西投于淮二水皆曰肥是山也高不過百尋所出唯一水分流而已其源實同而流實異也故皆曰肥

須

水經注濮渠東逕須城北衛詩云思須與漕也○地理志云東郡須昌縣故須句國○一統志須城廢縣在兗州府東平州○傳氏曰自須至漕由東而西也

新臺

通典魏州黃縣有新臺○水經注鄆城北岸有新臺
○寰宇記在濮州鄆城縣北十七里○輿地廣記開
德府觀城縣有新臺○名物疏按濮州今屬山東東
昌府鄆城縣今省入州

二子乘舟處

左傳使盜待諸莘水經注京相璠曰陽平縣九十里
有莘亭自衛適齊之道縣東有二子廟猶謂之孝祠
今大名府 莘縣本陽平屬東郡

沫

毛氏曰沫衛邑○書明大命于妹邦孔氏注紂所都
朝歌以北是也○戴氏曰沫上之沉湎惟舊雖以康
叔化之未能盡變也遭宣姜之故風俗益壞○括地
志朝歌故城在衛州東北七十三里衛縣西二十二
里本沫邑殷之武丁始遷居之爲殷都其南有糟丘
酒池土人猶依約識之○黃氏曰沫水在衛之北○
上宮通典衛州衛縣有上宮臺○朱氏曰桑中上宮
淇上又沫鄉中之小地名也

桑中

正義曰禹貢兗州云桑土旣蠶注云其地蠶桑因以

名之○孔氏曰譜云東及兗州桑土之野今濮水之上地有桑間濮陽在濮水之北是有桑土明矣郡國志東郡濮陽縣有顓帝家皇覽曰冢在城門外廣陽里中博物記曰桑土在其中地里志衛地有桑間濮上之阻男女亟聚會聲色生焉故俗稱衛之音樂記桑間濮上之音亡國之音也注昔紂使師延作靡靡之樂已而自沈於濮水後師涓過焉夜聞而寫之爲晉平公鼓之桑間在濮陽南○一統志廢濮陽縣在直隸大名府開州治西南

詩經類考卷之六

明武塘沈萬鈞仲容采輯

地理考下

東徙渡河處

孔氏曰東徙渡河則戰在河北禹貢豫州滎波既豬
注云沅水溢出河爲滎今塞爲平地滎陽民猶謂其
處爲滎澤在縣東今鄭州滎澤縣春秋衛及狄戰滎澤此其
地也如禹貢注當在河南時衛都河北狄來伐而禦
之既敗而渡河杜預云滎澤當在河北但沅水發源
河北入河乃溢爲滎則沅水所溢被河南北故河北

亦有滎澤但在河南多耳故指豬水則在豫州此戰則在北左傳宋桓公逆諸河宵濟○水經注白馬濟津之東南有白馬城衛文公東徙渡河都之故濟取名焉○楚丘隋郡縣志置楚丘縣屬滑州後改衛南本漢濮陽縣地

楚

左傳僖二年諸侯城楚丘而封衛○鄭志答張逸云楚丘在濟河間疑在今東郡界○通典云滑州衛南縣衛文公遷楚丘卽此城○一統志廢衛南縣在大名府滑縣東六十里衛文公自曹遷此隋初置楚丘

縣後改衛南金省入白馬縣本朝白馬縣省入滑縣
○地理志齊桓公更封衛於河南曹楚丘而河內殷
虛更屬於晉○名物疏按輿地廣記曹楚丘二邑相
近今拱州楚丘非衛之所遷縣有景山景岡乃後人
傳會名之參括地志則拱州之景山乃商之景亳在
開封府歸德州境非衛南之景山也今山東兗州府
曹州曹縣東南五十里復有楚丘城有景山一統志
云衛文公徙居楚丘測日景於此東昌府正秦漢東
郡地濟水出陶丘北陶丘在今曹州定陶縣鄭氏疑
在濟河間東郡之界或卽此城也旣古今所傳聊並

載以俟考

堂

傳氏曰堂當是今博州堂邑博濮二州連境

景山

水經注河水分濟北逕景山東又北逕楚丘城西○
補傳曰景山以大而得名商故都也衛在商畿內故
云○寰宇記景山在澶州衛南縣東南三里澶州今
直隸大名府開州衛南縣今廢在滑縣東○九域志
開德府有景山

京

爾雅云絕高謂之京注人力所作○廣雅云四起曰京○風俗通云按爾雅丘之絕高大者爲京謂非人力所能成乃天地性自然也春秋左氏傳莫之與京今京北京師義取於此○名物疏云按爾雅云絕高謂之京又云非人爲之丘則京是人力所作丘是地自然生但對例則異散稱則通故此傳云京高丘也若應氏說全悖爾雅不可依用

許

許姜姓與齊同祖堯四岳伯夷之後周公封其苗裔文叔于許今潁川許昌縣靈公徙居之葉悼公遷夷

一名城父又居析一名白羽許男斯處容城自文叔至莊王十一世始見春秋二十四世滅于楚○括地志故城在許州許昌縣南三十里本漢許縣○九域志潁昌府許田縣熙寧四年省爲鎮入長社

阿丘

爾雅云偏高阿丘李巡曰謂丘偏高○什名云偏高曰阿丘阿荷也如人擔荷一邊高也

澳

爾雅云隩隈厓內爲隩外爲隈孫炎曰隈水曲中也李巡曰厓內近水爲隩郭璞云今江東呼爲浦澳淮

南子曰漁者不爭隈○博物記曰有奧水流入淇水
有綠竹草○水經注美溝水東北注淇水博物志謂
之奧水流入于淇漢武帝塞決河用淇園之竹寇恂
爲河內伐竹淇川治矢今通望淇川無復此物唯王
芻篇草不異毛興

頓丘

嚴氏曰在朝歌之東漢志陳郡有頓丘縣師古云以
丘爲縣也○爾雅丘一成爲敦丘再成爲陶丘三成
爲崑崙丘敦亦頓也○地理志東郡頓丘縣頓丘謂一頓
而成或曰一重之丘○輿地廣記頓丘本衛邑在淇

水而晉置頓丘郡唐大曆七年置澶州晉天福四年以頓丘爲德清軍熙寧四年省頓丘入澶州清豐縣今開德府○水經注淇水北逕頓丘縣故城西○竹書紀年晉定公三十一年城頓丘闕駟云頓丘在淇水南又屈逕頓丘西又東屈而西轉逕頓丘北什名謂一頓而成丘無高下小大之殺也宿胥故瀆受河于頓丘縣遮害亭東黎山西北會淇水蘇氏曰決宿胥之口魏無虛頓丘卽指是瀆也

復關

復關寰宇記澶州臨河縣城在南黃河北阜也復關

堤在南三百步自黎陽下入清豐縣界

泉源

水經注有二源一水出朝歌西北又東與左水合謂之馬溝水又美溝水出朝歌西北大嶺下更出逕駝駝谷於中逶迤九十曲故俗有美溝之目歷十二嶠二流相承泉響不斷○寰宇記澶州頓丘縣東北三十五里有泉源洞○九域志大名府莘縣有泉源河里

說文云里居也○周禮小宰以官府之八成經邦治三曰聽閭里以版圖又遂人云五家爲鄰五鄰爲里

里宰掌比其邑之衆寡與其六畜兵器治其政令以
歲時合耦于耒讀曰助以治稼穡徵歛其財賦○風俗
通云五家爲軌五軌爲里里者止也五十家共居止
也○書大傳云古者處師八家而爲鄰三鄰而爲用
三用而爲里五里而爲邑十邑而爲都十都而爲師
州十有二師焉家不盈三口者不用由命士以上不
用○王度記云百戶爲里里一尹○撰考議云古者
七十二家爲里

藪

說文云大澤也○周禮注云澤水所鍾也水希曰藪

○韓詩云禽獸居之曰藪○風俗通云藪之爲言厚也草木魚鱉所以厚養人君與百姓○周禮職方氏揚州其澤藪曰具區荊州曰雲夢豫州曰圃田青州曰望諸兗州曰大野雍州曰弦蒲幽州曰獫狁音養冀州曰陽紆并州曰昭余祁○爾雅十藪云魯有大野晉有大陸秦有揚陁反於宋有孟諸楚有雲夢吳越之間有具區齊有海隅燕有昭餘祁鄭有圃田周有焦護○疏云此言在藪蓋在圃田也

清 彭 消 軸

郡國志河南中牟縣有清口水○水經注清池水出

清陽亭西南平地東北流逕清陽亭南東流卽故清
人城也○彭爲高克邑杜預春秋什地云中牟縣西
有清陽亭是也清水又屈西北流至清口澤中牟今屬開封
府○毛氏云彭衛之河上鄭郊也○消軸河上地

溱洧

陳氏曰鄭國在溱洧二水之間說文溱作漣漣水出
桂陽臨武入滙洧水出潁川陽城山東南入潁○郡
縣志溱水源出鄭州新鄭縣西北三十里平地洧水
縣西北二十里○水經洧水出河南密縣西南馬嶺
山密縣又東過新鄭縣南潧水從西北來注之又東

過習陽城西折入于潁今屬鄭州地理志出陽城縣陽城山

汶

曹氏曰汶水許氏以爲出琅邪朱虛縣東泰山

括地志朱

虛故城在青州臨朐縣東東至安丘入濰

今密州安丘縣

桑欽以爲出秦

山萊蕪縣原山

括地志淄州淄川東南七十里原山

西南入濟

蔡氏曰在今鄒

州中班孟堅兩存其說閔子曰吾必在汶上說者主

桑欽以爲汶在齊南魯北董氏曰出萊蕪者今須城

之汶也出朱虛者今濰之東南有大汶小汶是也○

曾氏曰汶水有二出萊蕪縣原山入濟者徐州之汶

也出朱虛泰山北又東北入濰者青州之汶也或云汶水出北海朱虛縣弗其山流合於濟○臨清新開馬之貞記汶水東出原山西流過萊蕪奉高汶陽之南剛城之北又西至龍山南分爲西派其南河至陽城南梁山東匯爲大澤其一過壽良北其一經郈亭南其北曰坎河同流至壽張安民亭與北濟合凡東蒙徂徠之陰岱嶽之陽諸山溪澗之水皆潔於汶魯之大川也

汾

汾水職方冀州浸出憲州靜樂縣漢汾陽縣地北管

涪山南流至河中府寶鼎縣北入河寶鼎漢汾陰縣
○說文出太原晉陽山西南入河國語宰孔曰晉景
霍以爲城汾河涑澮以爲淵山海經管涔之山汾水
出焉又云汾水出上窳北○桑欽水經云汾水出大
原汾陽縣北管涔山東南過晉陽縣東晉水從縣南
東流注之又南過洞水從東來注之又南過大陵縣
東又南過平陶縣東文水從西來流注又南過冠冠一作爵
津冠一作又南入河東界又南過永安縣西又南過楊
縣東西南過高梁邑又西南過平陽縣東又南過臨
汾縣東又屈從縣南西流又西過長修縣南又西過

皮氏縣南又西至汾陰縣北西注于河

曲沃

地理志云河東聞喜縣故曲沃也武帝元鼎六年行過更名應劭曰武帝於此聞南越破故曰聞喜今屬解州

首陽

雷首山在河中府河東縣本蒲坂舜都也夷齊居其陽所謂首陽山也石曼卿詩謂耻生湯武干戈日寧死唐虞揖遜區括地志雷首山亦名歷山南有舜井郡國志雷首山縣南二十里有歷山舜所耕處郡縣

志焉泐水源出河東縣南雷首山州城卽蒲坂城也
城中有舜廟城外有舜宅及二妃壇○雷首一名獨
頭山夷齊所隱也山南有古冢俗謂之夷齊墓開關
州志馬融之首陽山在河東蒲坂縣華山之北河曲之
中○案夷齊冢廟在蒲之蒲坂首陽山之南馬融顏
師古之說同高誘以爲洛東南去二十里之首陽杜
預阮籍咸謂然卽今二山皆有夷齊冢廟九域志兩
從之首山之名所在固不一曹大家云在隴西今隴
西有地曰首陽東有烏鼠山謂之首陽或云首山在
遼西今遼之和順東有山曰首陽其在吳郡亦有首

山豈得徧爲據耶

北堂書鈔

阪

爾雅曰阪者曰阪李巡曰謂高峯山阪○曹氏曰說文阪山脅也地理志隴西有隴坻在其西注隴阪也卽今隴山三秦記其阪九回欲上者七日乃越高處東望秦川然則阪固秦地之所有也

終南

張衡西京賦終南太一隆崛崔萃注五經要義太一一名終南山在扶風武功縣此云終南太一不得爲一山明矣蓋終南南山之總名太一一山之別號○

郡縣志終南山在京兆府萬年縣南五十里○西征賦九嶷截薛太一龍嵒面終南而背雲陽跨平原而連嶠冢然則終南太一非一山也○柳宗元謂據天之中在都之南西至于褒斜又西至于隴首以臨于戎東至于商顏又東至于太華以矩于關其物產之厚器用之出則璆琳琅玕夏書載焉紀堂條梅秦風詠焉○終南山又在鳳翔府郿縣南三十里○終南杜預以爲中南亦曰太白山在武功縣南去長安二百里俗云武功太白去天三百杜彥達曰太白山南連武功山於諸山最爲秀傑冬夏積雪望之皓然柳

宗元碑云其地寒冰雪之積未嘗已○或云終南乃關中南山西起隴鳳東踰商洛綿亘千里隨地異名總言之則曰南山耳秦記云又名地肺南山深處高而長大無異名者曰秦嶺○關中記云其山一名中南言在天之中居都之南故曰中南五經要義云終南山長安南山也○記云其山東接驪山太華西連太白至于隴山北去長安城八十里南入楚塞連屬東西諸山周迴數百里名曰福地○禹貢云終南敦物至于鳥鼠○左傳云中南九州之險也○三秦記云太一在驪山西去長安二百里山之秀者也中有

石室靈芝一名地肺可避洪水○方輿記云東方朔
謂終南天之大阻其中多金銀鐵玉石梓檀異類之
物此百工取給萬物所仰足也○詩緝云周都豐鎬
面對終南故天保祝君斯干考室南山刺師尹皆指
此山也○一統志終南山在陝西西安府城南五十
里一名南山東西連亘藍田咸寧長安盩厔鄠縣及
鳳翔府扶風縣西抵大散關產玉石金銀銅鐵及合
離草月青樹太一山在終南山南二十里連亘秀特
上插雲霄

渭陽

箋云秦是時都雍至渭陽者蓋東行送舅氏於咸陽之地○孔氏云雍在衛南水北曰陽晉在秦東行必渡渭地理志右扶風渭城縣故咸陽也其地在渭水之北○水經渭水逕長安城北注卽咸陽也○名物疏云按雍今陝西鳳翔府鳳翔縣地咸陽漢爲渭城縣今爲咸陽縣屬西安府渭水南去縣三里

宛丘

傳云四方高中央下曰宛丘○爾雅云宛中宛丘郭璞曰宛謂中央隆高又云丘上有丘曰宛丘陳有宛丘○孔仲達云宛丘言其中央宛宛然是爲四方高

中央下也○水經注宛丘在陳城南道東○輿地廣
記爾雅丘上有丘曰宛丘今其地形則然○名物疏
按毛什宛丘以爲中央下李巡爾雅孫炎什同郭氏
獨謂中央隆高者以爾雅上文云水潦所止泥丘水
潦所止非中央下而何下文又云丘上有丘曰宛丘
卽是申說中央高之義孔氏豈能力辨丘上有丘亦
爲中央下乎輿地廣記云其地形符同爾雅盖有所
徵矣爾雅又云天下有名丘五其三在河南二在河
北說者以爲淮南之州黎陳之宛齊之營在河南晉
之潛衛之敦在河北然則宛爲名丘故幽公日遊蕩

言續考
於其上也

東門池

傳云池城池也○孔安國曰停水曰池○說文云隍
城池也有水曰池無水曰隍○家語云池水之大魚
鱉生焉萑葦長焉誰知其非泉也○郡縣志東門池
在陳州城東門內道南○水經注云陳城故陳國也
東門內有池池水東西七十步南北八十許步水至
清潔而不耗竭不生魚草水中有故臺處詩所爲東
門之池也○顧子曰與子華遊東池子華曰水有四
德池爲一焉沐浴群生澤流萬世仁也揚清激濁蕩

滌塵穢義也弱而能勝勇也導江疏河變盈流謙智也顧子曰我得子于池上矣

防

毛傳云防邑也○郡國志陳郡陳縣注博物記曰邛地在縣北防亭在焉○說文云隄也○周人稻人以瀦畜水以防止水匠人爲溝洫凡溝必因水勢防必因地勢善溝者水漱之善防者水淫之凡爲防廣與崇方其綱音賽二分去一大防外綱凡溝防必一日先深之以爲式里讀作已爲式然後可以傳衆力○禮記云以舊防爲無所用而壞之者必有水敗○郊特牲

祭防注云防以畜水亦以鄣水○左傳薦掩町原防

株林

傳云株林夏氏邑也○寰宇記陳州南頓縣西南三十里有夏亭城城北五里有株林○郡縣志宋州柘城縣本陳之株邑○一統志開封府睢州柘城縣在在城東南九十里古朱襄氏邑春秋時爲陳株野地

澤

什名云下有水曰澤言潤澤也○風俗通云傳曰水草交厝名之曰澤言其潤澤萬物以阜民用○周禮云川澤其動物宜鱗物其植物宜膏物其民黑而津

澤虞掌國澤之政令爲之厲禁使其地之人守其財物以時入之于王府頒其餘于萬民凡祭祀賓客共澤物之奠○月令孟冬命有司收水澤之賦○周語云古之長民者不防川不竇澤川氣之導也澤水之鍾也○左傳澤之莞蒲舟鮫守之

陂

傳云陂澤障○說文云阪也一曰池也○尚書禹貢九澤旣陂孔注九州之澤已陂障無決溢矣○陂者繁也言因下鍾水以繁利萬物也○斷水爲陂○魏志夏侯惇爲濟陽太守斷大水作陂自負土率將士

種稻人賴其利

南山

傳云曹南山也○郡縣志曹南山在曹州濟陰縣東二十里詩南山朝濟是也○十道志云曹南山汜水出焉漢書云高祖卽位于汜水之陽今壇存○一統志曹南山在兗州府曹州南一百里詩南山朝濟春秋盟于曹南卽此

下泉

什水云沃泉縣

平聲

出縣出下出也李巡云水泉從上

下出○孔氏云此言下泉謂泉下流是爾雅之沃

泉也

畝

王制云方百里者爲田九十億畝山陵林麓川澤溝
瀆城郭宮室塗巷三分去一其餘六十億畝古者以
周尺八尺爲步今以周尺六尺四寸爲步古者百畝
當今東田百四十六畝三十步古者百里當今百二
十一里六十步四尺二寸二分○司馬法云六尺爲
步步百爲畝畝百爲夫○禮記疏云步百爲畝是長
一百步濶一步畝百爲夫是一頃也長濶一百步夫
三爲屋是三頃也濶二百步長一百步屋三爲井是

九百畝也長溝一里○程正叔云古者百畝止當今之四十一畝今之百畝當古之二百五十畝○名物疏按畝卽田之身也古之治田者雖有溝洫井田二法不同然田之形體大抵因地勢水勢而爲之其在于東者謂之東田王制所云當今東田是也其在南者謂之南畝詩屢云南畝鄭注遂人云以南畝圖之是也補傳大田解曰田事喜陽而惡陰東南向陽則茂盛西北傍陰則不實故信南山云南東其畝也朱子信南山傳云畝壟也書傳云終竟壟畝左傳注使壟畝東西行又云晉之伐齊循壟東行易是畝可以

謂爲壟也漢書陳勝輟耕之壟上師古曰田中之高處是正訓壟字朱子所云畝壟者只是今之田所謂若干畝非必其中之高處也長樂劉氏云遂東畝南遂南畝東正言順地勢及水所趨之事盖于此方爲水道則于彼方爲田畝南東交互其勢宜然雖溝洫之法遂縱溝橫井田之法遂橫溝縱而其爲畝之制則相仿也朱公疏義有畝以防水之說不知古有遂溝洫澮川以通水之流大小淺深以次相注自不至于決溢有徑畛涂道路以通車徒之行而卽在遂溝洫澮川之上初不聞田之畔更有所謂畝以防水也

若然卻克欲使齊盡東其畝賔媚人責以無顧土宜何不云不顧水防乎防水之丘計必不廣使其盡南亦何害于晉之戎車而必東其畝乎詩云南東其畝諸書稱東田南畝無所謂西畝北畝豈非范氏喜陽惡陰之說乎若用以防水則稱西畝北畝亦可矣所以防水者周禮正謂之防稻人以防止水是也左傳薦掩町原防注防隄也隄防間地不得方正如井田別爲小頃町稻人疏故以爲楚之惡地有防澮之法南東其畝乃溝洫井田之定制又何有于防乎匠人爲防是梢溝之防非廣深四尺之溝有防也方氏注

禮記引詩南東其畝而以廬之所向爲言可見古人並未嘗以畝爲防水之具矣若必因壘字而以爲丘壘之壘則書云曷敢不終朕畝孔安國云何敢不順天終竟我壘畝亦可得耕耨于水防之上乎孫毓馑箋云大夫銜命巡司何爲就耕民公姬壘畝之間飲食又可謂此饁彼南畝爲餉在南邊水防之上者乎然范氏云田喜陽惡陰未爲通論如黍宜燥稌宜濕正左傳所謂土宜而古人只云南東者乃人道貴陽賤陰之義耳非地道固然也陶潛云農人告予以春及將有事于西疇則畝亦可云在西但晉人之言不

應經義苟如公遷之說又將以西嶠爲西邊之防水矣

阜岡

韓壽云積土高大曰阜○博雅云山無石曰阜細土也○地圖云土山曰阜阜高厚也○風俗通曰芒坂曰阜阜者茂也言平地隆踊不屬於山陵也○爾雅云高平曰陸大陸曰阜岡亢也

陵

爾雅云大阜曰陵○韓詩說云四平曰陵○什名云陵隆也體高隆也○易云地險山川丘陵也王公設險以守其國○春秋說題詞曰陵之爲言稜也輔山

成其廣層稜扶推益厥長也○爾雅云東陵音南陵息慎西陵威夷中陵朱滕北陵西隃雁門是也陵莫大於加陵梁莫大於溴梁墳莫大於河墳謂之八陵

川

什水云涇

音揆

關流川過辨

音片

回川○什名云川穿也

穿地而流也○周禮曰川師掌川澤之名川衡掌巡川澤之禁令而平其守祭祀賓客共川奠職方氏揚州其川三江荊州其川江漢豫州其川滎雒青州其川淮泗兖州其川河洸雍州其川涇汭幽州其川河洺冀州其川漳并州其川虜池嘔夷又云兩山之間

必有川焉大川之上必有涂焉○禹貢曰濬畎畝距川○蔡邕云衆流注海曰川○國語云川氣之導也

朔方

尚書曰宅朔方曰幽都○朱傳云今靈夏等州之地○曹氏云卽六月所謂侵鎬及方郡縣志夏州朔方縣什賁故城在縣治北卽漢朔方縣故城也漢武帝收河南地置朔方五原縣郡蘇建築朔方什賁之號蓋蕃語也○一統志陝西寧夏衛漢朔方郡靈州城在衛州南夏州城在衛城東○爾雅朔北方也舍人注云朔盡也北方萬物盡故言朔也

焦穫

爾雅十藪周有焦穫孫炎曰岐周也郭璞曰今扶風池陽縣瓠中是也○寰宇記焦穫藪在京兆府涇陽縣北十數里亦名瓠口○清泚志云韓水工鄭國說秦令鑿涇水自中山西抵瓠口爲渠○朱傳云焦未詳所在穫郭璞以爲瓠中今在耀州三原縣○一統志焦穫澤在陝西西安府涇陽縣西北亦名瓠口蓋古之焦穫藪也池陽廢縣在三原縣東北二十里漢時遺趾略存○班彪北征賦夕宿瓠口之玄宮注以爲焦穫○孔氏曰澤藪在瓠中而藪外接于獫狁獫

狃深入必逐水草故須盤據藪澤

鎬方

鄭氏云鎬也方也皆北方地名○王基云劉向曰千里之鎬猶以爲遠鎬去京師千里○朱傳云劉向以爲千里之鎬則非鎬京之鎬矣未詳所在方疑卽是朔方

涇陽

涇水源出百泉縣西南涇谷○箋云涇水之北疏云水北曰陽涇去京師爲近○通典云今涇原州地並涇水之陽○一統志涇陽在西安府城北七十里故

城在平涼府界以居水之北故名

太原

顏師古曰卽今晉陽書禹貢旣修太原○黃氏云晉
太原太鹵大夏夏虛晉陽凡六名○朱傳云太原亦
曰太鹵今在太原陽曲縣治隸山西穀梁傳云中國
曰太原夷狄曰大鹵○後漢西羌傳穆王遷戎於太
原夷王命虢公率六師伐太原之戎至于俞泉宣王
遣不太原戎不克○郡縣志太原臺駘之所居○
堯世紀帝堯徙晉陽卽太原也○太原在榆次縣

東

傳云東洛邑也○周書度邑解武王曰我南望過于
三塗我北望過于有嶽不願瞻過于河宛瞻于伊洛
無遠天室其曰茲曰度邑作雒解云周公將致政乃
作大邑成周于土中城方千七百二十丈郭方十七
里南繫于洛水北因于邠山以爲天下之大濶制邠
甸方六百里國西土爲方千里○史記婁敬云成王
卽位而營成周洛邑以此爲天下之中也有德則易
以王無德則易以亡○通鑑外紀云成王使召公先
相宅周公至洛師復卜申視營築謂之王城是爲東
都○東京賦云召伯相宅卜惟洛食周公初基其繩

則直沂洛背河左伊右纏西阻九河東門於旋太室
作鎮揭以熊耳底柱輟流鐔音尋以大岷陸機洛陽記
云洛陽城周公所制東西十里南北十三里城上百
步有一樓櫓外有溝渠○一統志河南河南府禹貢
豫州之域武王定鼎郊廓成王營洛爲王城下都平
王東遷乃居王城洛陽縣附郭本成周地居洛水之
北故曰洛陽洛陽故城在府城東洛水北周公所營
成周也

甫草

箋云甫田之草也○爾雅十藪鄭有圃田郭云今榮

陽中牟縣西圃田澤是也○職方云河南曰豫州其澤藪曰圃田○穆天子傳天子里甫田之路東至于房○左傳皇武子曰鄭之有原圃猶秦之有具圃○郡縣志圃田澤一名原圃在鄭州中牟縣今開封府西北七里其澤東西五十里南北二十六里西限長城東窮官渡上承管城縣界曹家陂又溢而北流爲二十四陂水經注渠水自河與沛亂流東滎澤北東南分沛歷中牟圃田澤北與陽武分水澤多麻黃故述征記曰踐縣逕便睹斯卉窮則知踰界詩所謂東有甫草也○竹書紀年梁惠成王十年入河水于甫

田又爲大溝而引甫水○陳氏曰九州川浸澤數名
在職方不入諸侯之版詩不以圃田繫鄭春秋不以
沙麓繫晉略可睹矣周季諸侯始擅不盼之利齊幹
山海而桃林之塞郇瑕之地晉實私之甚者周至歲
貢百二十金於魏以易溫囿

敖

箋云敖鄭地今近滎陽○郡縣志敖山在鄭州滎澤
縣西十五里○水經濟水東逕敖山北注云詩搏獸
于敖山上有城殷仲丁所遷秦置倉其中亦曰敖倉
城○呂東萊云晉師救鄭在敖郛之間設七覆于敖

前則敖山之下平曠可以屯兵翳蒼可以設伏東有
甫草卽此地○郡國志河南滎陽有敖亭周宣王待
于敖○一統志敖山在河南開封府鄭州河陰縣西
北二十里

漆沮

禹貢雍州漆沮旣從導渭自鳥鼠同穴東會于澧又
東會于涇又東過漆沮入于河孔安國曰漆沮二水
名亦曰洛○顏師古曰漆沮卽馮翊之洛水也○蔡
傳云漆水寰宇記自耀州同官縣東北界來經華原
縣合沮水沮水地志出北地郡直路縣東今坊州宜

君縣西北境也寰宇記沮水自坊州昇平縣北子午
嶺出俗號子午水下合榆谷慈馬等川遂爲沮水至
耀州華原縣合漆水至同州朝邑縣東南入渭二水
相敵故並言之旣從從于渭也○水經漆水出扶風
杜陽縣俞山東北入于渭沮水出北地直路縣東過
馮翊役丁洛反羽音謝縣北東入于洛○水經注鄭渠在
太上皇陵東南濁水注焉俗謂之漆水又謂之漆沮
其一水東卽沮水也故濁水得漆沮之名東北流注
于洛水○段氏曰書所謂漆沮在澧水涇水之東爲
渭之下流吉日漆沮乃會于東都田獵之後則宜爲

下流之漆沮蓋遠歷鄜坊比之東都爲地近○孔氏
傳在涇水之東一名洛水與自土漆沮者別職方氏
所謂雍州其浸渭洛非河南之洛也○晁氏曰地理
志漆水在扶風漆縣西北豳之漆也水經漆水出扶
風杜陽縣俞山東北入于渭括地志沮水出雍州富
平縣東入櫟陽南漆水出岐州普潤縣東南岐漆山
嚴氏曰沮漆名稱相亂水經云沮水出北地郡直路
縣東過馮翊殺胡縣北東入于洛此沮水之源流也
漢志扶風有漆縣漆水在縣西東入渭又關駟十三
州記云漆水出漆縣西北至岐山東入渭此漆水之

源流也沮出北地入洛漆出扶風入渭沮自沮漆自漆也至孔氏引水經云沮水俗謂之漆水謂之漆沮此則名稱相亂矣諸家書解以出扶風之漆水與出北地之漆水爲二謂扶風之漆水至岐山入渭在澧之上流而書言渭水會澧會涇之後乃過漆沮則漆沮在澧水涇水之下流故以書之漆沮爲出北地之漆沮與詩扶風之漆別也但水經出北地者止是沮水而謂之漆沮耳如上所言則詩之漆沮自是二水書之漆沮止是一水卽詩之沮也然水經之沮入洛書之漆沮則入渭水爲漆沮一名洛水則漆沮卽洛

也而又云入洛何也姑闕之以俟知者此詩沮漆指
豳國是漆沮之上流也下文豳周原傳以爲漆沮之
間指岐周是漆沮之下流也吉日及潛頌言漆沮指
鎬京當亦去岐周不遠也疏云漆沮二水在豳地但
二水東流亦過周其說是也史記正義二水源在雍
州西其名洛水者在雍州東○名物疏按漆沮二水
名其源又各別故說者紛紛據孔安國顏師古之說
漆沮卽洛水也朱子亦云漆沮在西都畿內涇渭之
北所謂洛水今洛水出陝西慶陽府環縣經延安府
甘泉縣鄜州宜君縣子午嶺至中部縣入西安府界

經耀州及同官縣至富平縣合沮水歷蒲城同州至朝邑縣東南入渭乃周官所云雍州其浸渭洛非伊洛之洛也寰宇記謂漆自同官來指此竊意漆水卽洛水也與扶風杜陽之漆不同一統志不考乃云同官之漆出自鳳翔不知彼漆爲涇汭所間豈能飛渡涇汭而來同官耶沮水出自延安府宜君縣至于午嶺合子午水歷中部縣東南流入西安府界至富平縣合漆水卽洛也孔氏注禹貢漆沮亦曰洛水是也但不當以沮并爲洛耳此馮翊之漆沮也卽此漆沮之從天子之所與潛猗與漆沮是也蓋漆沮之會於

同州者去鎬京三百余里爾雅周之數曰焦穫焦穫
近於漆沮其山多獸其水多魚取魚狩獵之地當必
此也書稱渭水東過漆沮亦是此漆沮若出扶風漆
縣者則在澧之上流與經之次序不合矣其水經注
所云濁水謂之漆沮者當在今臨潼縣界未知今土
俗亦名爲漆沮否然濁水一小水注鄭渠者耳非詩
所味也一漆水出鳳翔府麟遊縣西普潤廢縣故漢
漆縣也流經岐山北大藥水自西北注之南與杜水
合齊詩所謂自杜漆沮者也其沮之所在孔仲達云
未聞此扶風之漆沮也縣詩自土漆沮指此何者不

窟徙居戎翟之間在今慶陽府公劉遷邠在今邠州
淳化縣西廢三泉縣界當涇水之西其道甚便而沮
在涇之東漆又在沮之東俱隔大山公劉初遷必不
至馮翊之漆沮也及太王自邠遷岐踰梁山始至岐
山北漆沮合流之處梁山在今西安府乾州城西北
五里當豳之西南孔仲達縣詩疏云漆沮在豳地二
水東流亦過周非也若漆沮在邠則公劉于邠斯館
已有宮室太王何爲陶復陶穴哉但以太王初至扶
風之地故未有家室耳又一沮水出鞏昌府階州角
弩谷東南入渭此別一水也寰宇記云合榆谷水榆

谷在臨洮去渭源近正謂此沮水若延安沮水何由
西行數百里至臨洮既至臨洮又何由至西安之耀
州耶

皋

傳云皋澤也○箋云澤中水溢出所爲坎○韓詩說
云九皋九折之澤○楚辭注云澤曲曰皋

淵

說文云淵回水也○管子云水出地而不流者命之
曰淵○李蕭遠云水通之斯爲川塞之斯爲淵○荀
子曰積水成淵蛟龍生焉○列子云鯢旋之潘

音鑑爲

淵止水之潘爲淵流水之潘爲淵濫水之潘爲淵沃
水之潘爲淵洿水之潘爲淵雍水之潘爲淵汧水之
潘爲淵是爲九淵焉

向

孔氏云左傳桓王與鄭十二邑向在其中杜預云河
內軹縣西有地名向則向在東都畿內○水經注云
向城北向崗左傳襄十一年諸侯伐鄭師于向○一
統志向城在河南懷慶府濟源縣西南卽周向國○
九域志同州有向城

淮

釋名云淮圍也圍繞揚州北界東至海也周官青州其川淮泗○水經注淮水出南陽平氏縣胎簪山東北過桐柏山其源初則涌出復潛行三十里然後長驚東北經大復山從義陽郡北東過江夏平春縣北又東過新息縣南期思縣北至厚鹿縣南與汝水合又東過廬江安豐縣與決水合東北至九江壽春縣東與潁水合壽春縣北與淝水合又東至當塗縣北與渦水合東北至下邳淮陰縣與泗水合東至廣陵淮浦縣而入海也近海數百里通潮汐尚書稱導淮自桐柏東會于泗沂入于海是也○水經注又云平阿

縣有當塗山淮出于荆山之左當塗之右奔兩山之
間而揚濤北注也○易林云江淮河漢天之與府衆
利所聚可以饒有○臧榮緒晉書云永嘉中淮濮水
竭○山海經云淮水出餘山○春秋說題辭云淮出
桐柏淮者均也均其務○一統志淮水出河南河南
府唐縣東南一百八十里卽禹貢導淮自桐柏者天
下四瀆此其一也今桐柏支岡有水泉潛流三十里
東出大復山經汝寧信陽縣東流會泗沂自泗州龜
山北流入淮安府界縈泗府城東入于海○職方青
州川出唐州桐柏縣桐柏大復山東南至盱眙軍招

信縣入海

洛

東萊云職方氏雍州其浸渭洛故毛傳以洛爲宗周之浸水洛水雖出于京兆上洛西山然其流尚微此詩所謂洛蓋指東都也○禹貢云導洛自熊耳東北會于澗瀍又東會于伊又東北入于河伊水入洛洛水入河○職方洛豫州川出商州洛南縣冢領山至河南府鞏縣入河冢領山在洛南縣西七十里又云在弘農上洛縣○郡縣志洛在洛陽縣西南三里西自苑內上陽之南瀾漫東流○山海經謹舉之山雒水出焉東

北流至于玄扈之水○春秋說題辭云洛出熊耳山
洛之爲言繹也言水繹繹然光耀也○初學記云周
官豫州其川榮雒與伊瀍二水爲三川秦於河南置
三川郡案水經云洛水出京兆上洛縣冢領山郡經
上洛弘農河南縣盧氏蠡城陽市宜陽洛陽合伊瀍
穀澗之水至鞏縣而入河又周禮雍州其川洛汭此
洛一名漆沮出馮翊此關輔之水非河南洛也又水
經注云洛水出漳水東經洛縣及新都與湍水合此
又在蜀土○易氏曰按漢志左馮翊懷德縣卽疆梁
原之洛水北條荆山在縣西正洛水之源也孔安國

注禹貢漆沮亦曰洛水出馮翊北又一洛水出慶州
洛源縣有於白山在縣北三十里東流至鄜州洛加
縣又東南流至京兆府雲陽東又經同州澄城西北
去富平之懷德亦近○郡縣志河南府禹貢豫州之
城在天地之中故三代皆爲都邑陽翟夏城禹都也
偃師西亳湯都也周成王定鼎於郊鄜使召公先相
宅乃卜澗水東瀍水西是爲東都今苑內故王城是
也又卜瀍水東召公往營之是爲成周今河南府故
洛城是也○帝王世紀河南府西有郊鄜鄜山名
洛邑東城門名鼎門北城門名乾祭○山海經云秦

胃之山洛水出焉東流注于河其中有玉藻○王氏
曰成王欲宅洛者以天事言則日東景朝多陽日西
景夕多陰日南景短多暑日北景長多寒洛天地之
中風雨之所會陰陽之所和也以人事言則四方朝
聘貢賦道里均焉非特如此而已懲三監之難茲殷
頑民遷以自近洛距妹邦爲近則易使之遷作王都
焉則易以鎮服也雖然鎬京宗廟社稷官府宮室見
在不可遷也故於洛時會諸侯而已○字書云漢用
火德避忌水故洛字去水而加佳此說非也春秋經
公子遂會雒戎盟于暴左傳凡洛皆作雒已十餘處

豈漢始改乎○河圖云洛水地理陰精之官帝王明
聖龜書出文天以與命地以授瑞接河合接居中護
群王道和洽吐圖佐神逆名亂教摘亡吊存故聖人
睹河洛也○春秋說題辭河以通乾出天苞洛以流
坤吐地符○淮南子云洛水輕利宜禾○述征記云
洛水底有礬石故上無冰○典略云湯東觀洛沉璧
黃魚雙躍出于壇○帝王世紀云湯沉璧于洛獲黃
魚黑王之瑞○尚書中候曰武王觀于河沉璧禮畢
且退至于日昧榮光並塞河沉璧青雲浮洛赤龍臨
壇銜玄甲之圖吐之而去○又云堯率群臣東沉璧

于洛退候至于下稷赤光起玄龜負書出赤文成字
注曰稷讀曰側○沈約宋書曰玄龜洛書者天符也
王者德至川泉則洛出龜書○易乾鑿度曰帝王始
與河洛龍見察其黑首者人正白者地正赤者天正
○又云帝盛德之應洛水先溫九日乃寒五日變爲
五色玄黃○河圖曰黃帝遊於洛見鯉魚長三丈青
身無鱗赤文成字也○史記云周幽王二年西周三
川皆震伯陽甫曰昔伊洛竭而夏亡今周德若二代
之季山崩川竭亡之徵也

謝

一統志河南南陽府南陽縣附郭周申伯國謝城在湖陽城北周申伯之都自申遷於此信陽縣在府城西南二百七十里周申伯所封縣境有謝城卽申伯封邑有二冢相傳以爲申伯冢○郡國志南陽宛縣本申伯國棘陽縣東北百里有謝城今在鄧州信陽軍○鄭語桓公曰謝西之九州何如史伯曰唯謝邾之間是易取也謝西有九州一千五百家曰州邾南謝北號鄩在焉○水經注沘彼音水又西南流謝水注之水出謝城北建武十三年封樊重少子丹爲謝陽侯卽其國也○名物疏按嚴坦未云申國在宛謝城

在棘陽宛今南陽縣也棘陽故城在鄧州境荊州記云棘陽東北百里有謝城則嚴說是也然則宣王之初申伯初受封于今之南陽後更邑于今之鄧州鄧州去郡治百二十里平王之母家申侯當是申伯之子若孫也

滌池

水經注鄆水又北流西北注與滌池合水出鄆池西而北流入于鄆世傳以爲水名○九域志京兆府冰池按十道志名滌池亦名聖女泉○一統志鄆水下流合滌池水滌水在西安府城西北二十里發源咸

陽縣之滹池西北合鎬水○鄭氏曰豐鎬之間水北流○寰宇記渭水西自京兆鄠縣流入長安漢建元三年造便橋跨渭斯滹池之別名西北入渭水

商

鄭譜曰商者契所封之地孔氏曰湯取契之所封以爲代號○皇甫謐云在上洛商縣○括地志云商州八十里商洛縣本商邑古之商國商字古契所封○補傳云地有商山因是得名○一統志陝西西安府商縣在府城東南二百六十里本契始封地商洛山在縣東南九十里

殷

鄭氏曰湯居亳之殷地孔氏曰殷是亳地之小別○
書序云盤庚將治亳殷注商家改號曰殷○括地志
云宋州穀熟縣西南三十五里南亳故城卽南亳湯
都也宋州北五十里大蒙城爲景亳湯所盟地因景
山爲名河南偃師爲西亳帝嚳及湯所都盤庚亦徙
都之○黃氏曰三亳南亳北亳亳殷也○周氏曰商
人稱殷自盤庚始自此以前稱商自盤庚旣都亳于
是殷商兼稱或單稱殷○括地志相州安陽縣卽北
冢殷墟南去朝歌城百四十六里竹書紀年盤庚自

奄遷北冢曰殷墟南去鄴四十里史記項羽與章邯
盟洹水南殷墟上

任

國語司空季子云黃帝之子十二姓姬酉初已滕箴
任荀僖佶偃依是也

洽

水經注郃陽城南有漢水東流注于河水南猶有文
母廟前有碑去城十五里水卽郃水也縣取名焉○
一統志陝西西安府同州郃陽縣在州城東北百二
十里以在郃水之陽故名郃水在郃陽縣來自西北

經縣北東入黃河縣東四十里有大妣墓

牧野

牧說文作𠂔○周書牧誓云甲子昧爽王朝至于商郊牧野注云紂近郊三十里地名牧疏云牧是郊上之地戰在平野故言野耳○周書克殷曰周車三百五十乘陳于牧野○水經注云自朝歌以南暨清水土地平行據臯跨澤悉牧野之地故詩稱𠂔野洋洋竹書紀年曰武王率西夷諸侯伐殷敗之于𠂔野○皇甫謐曰在朝譚南七十里○通典在衛州汲縣郡國志朝歌縣南

岐

郡縣志岐山在鳳翔府岐山縣東北十里亦名天柱山其峯高峻狀若柱然漢右扶風美陽縣西北○說文曰岐山在長安西美陽縣界山有兩岐因名焉周之興也鸞鸞鳴於岐山成王有岐陽之蒐石鼓文在天興縣南二十里石形如鼓其數有十○水經注岐山歷周原下北則中水鄉成周聚水北卽岐山○河圖括地象云岐山在崑崙東南爲地乳上爲天麋星○禹貢導沂及岐○岐山俗名鳳凰堆○呂氏春秋云九山之一

鮮原

傳云小山別大山曰鮮○爾雅孫炎注云別不相連也○疏云周書稱文王在程作程寤程典皇甫謐云文王徙宅於程蓋謂此也○前漢地理志安陵顏注曰闕駟以爲本周程邑○通鑑外紀云西伯自岐徙鮮原在岐之陽不出百里○國名記云在今咸陽亦在岐南與畢陌接所謂畢程孟子言文王卒於畢郢

靈臺

易鑿乾度云文王二十九年代崇作靈臺○易是類謀云作靈臺受赤爵冊書○三輔黃圖云文王靈囿

在長安縣西四十二里靈沼在長安西三十里靈臺
在長安西北四十里高二十丈周四百二十步○三
輔故事靈臺在豐水東○一統志靈臺在西安府鄠
縣東靈囿在鄠縣東三十里囿中有沼曰靈沼

辟廱

黃圖云文王辟廱在長安西北四十里○史記豐鎬
有天子辟池索隱云卽周天子辟廱之地

豐

皇甫謐云豐在京兆府鄠縣東豐水之西文王自程
徙此○孔氏云從鮮原徙鄠鄠在岐山東南三百餘

里○朱傳云卽崇國之地○一統志豐宮在西安府
鄠縣東五里周文王作邑於豐時所居○鄭氏曰豐
邑在豐水之西鎬京在豐水之東

豐水

禹貢云漆沮旣從澧水攸同又云導渭自鳥鼠同穴
東會於澧入於河○郡縣志云豐水出京兆府鄠縣
東南終南山自發源北流經縣東二十八里北流入
渭○黃圖云出鄠南山豐谷○水經注云渭水東與
豐水會同陰山無他高山異巒惟原阜石墩○文子
曰老子云豐水之深十仞而不受塵垢金鏤在中形

見於外○一統志出終南山合太平高觀谷水東至咸陽縣入渭

沙

說文云沙水中散石也○易需卦九二需于沙注云沙接水者○什水云渾沙出注云今河中呼水中沙堆爲渾音但

深

說文云深小水入大水也○箋云水外之高者也

疊

傳云疊山絕水也○詩緝云疊謂山當水路今水勢

斷絕也西漢地理志金城郡有浩亶縣注云浩水名也亶者水流峽山間兩岸深若門也

嶽

傳云嶽小山別于大山也○釋名云小山別大山曰甝甝甝也甝一孔者甝形孤出處似之也○爾雅云重甝陳注云謂山形如累兩甝甝甝山形似之因以名云

百泉溥原

曹氏曰漢朝郡縣屬安定郡隋改爲百泉縣屬平涼郡魏於其地置原州唐因之○一統志陝西平涼府

鎮原縣漢爲安定郡後魏置原州○郡縣志邠州三水縣以縣界有羅川谷三泉並流故以爲號邠城在縣西高泉山亦曰甘泉在永壽縣北二十五里五龍原在新平縣南三里原側有五泉水因名

隰原

孔氏曰禹貢雍州原隰底績公劉居邠度其隰原以治田是邠居原隰之野○郡縣志云邠州新平縣有五龍原永壽縣有永壽原宜祿縣有淺水原

芮

傳云芮水崖也箋云芮之言內也○朱傳云芮水名

出吳山西北東入涇周禮職方作汭○夏官職方云
雍州其川涇汭注云汭在函地○一統志芮水在陝
西鳳翔府隴西城西北源出弦蒲藪東入涇水周職
方雍州其川涇汭詩曰汭鞠之卽皆謂是也吳嶽在
隴州南八十里○地理志芮水出右扶風汧縣吳山
西北東入涇

鞠

爾雅曰隩隈也厓內爲隩外爲鞠李巡曰厓內近水
爲隩其外爲鞠孫炎曰內曲裏也外曲表也○蘇氏
曰鞠外也芮鞠芮外水也

郿

朱傳云郿在鎬京之西岐周之東○一統志郿縣在陝西鳳翔府城東南百四十里郿城在郿縣北十五里渭水之北

薄姑

地理志瑯琊姑幕縣括地志故城在青州博昌縣東北六十里今博興縣或曰密州莒縣東北左傳注博昌縣北有蒲姑城輿地記青州千乘縣有薄姑城○孔氏曰齊於成王之世乃得薄姑之地○史記齊世家獻公元年徙薄姑治臨淄當夷王之時與此傳不

合朱氏曰豈徙於夷王之時至是始修城郭之守與

臨淄今青州臨淄縣

梁山

玉海梁山在京兆府奉天縣北五里古公踰梁山秦
立梁山宮又同州韓城縣南十九里亦有梁山漢左
馮翊夏陽縣西北詩所謂奕奕梁山也爾雅以爲晉
望○漢右扶風好畤縣有梁山○九域志奉天縣鳳
翔府好畤縣有梁山○薛氏禹貢解曰梁山在同州
韓城縣而乾州好畤縣亦有梁山在岐邠間非禹貢
之梁山也○蘇氏曰梁山韓之鎮也公羊河上之山

言解類考 卷之六 三十九
也○禹貢冀州治梁及岐○曹氏曰禹治水自壺口
循梁山而西九域志在龍門南○寰宇記梁山縣多
喜山有一泉一名浴丹泉春夏左盈右竭秋冬左竭右
盈不知卽此梁山否○名物疏按同州韓城縣今屬
陝西西安府古之韓國晉爲少梁秦漢之夏陽縣也
梁山在其境非太王遷岐所踰之梁山也太王所踰
之梁山在乾州西北五里乾州卽唐之奉天縣也

屠

李氏曰同州鄜屠音屠谷○說文云鄜在馮翊郃陽亭○
解願字義云屠蓋在鎬京東北之地未詳其處或以

爲在同州郿谷則太遠或以爲卽鄠縣之杜陵則其地在鎬京南不當至此也

魯山川

禹貢云海岱及淮惟徐州淮沂其乂蒙羽其藝大野
旣豬東原底平○公羊傳云三望者何泰山河海○
爾雅十藪魯有大野○一統志兗州府春秋爲魯國
有繹山鳧山陪尾山龜山蒙山濟河泗水泮水沂水
鉅野澤羽山在登州府

附庸

玉海云顓臾邾國無駭入極取鄆取邾魯附庸國也

龜

水經注云龜山在博縣一十五里山北卽龜陰之田
春秋定公十年齊人來歸龜陰之田是也○一統志
龜山在兗州府泗水縣東北五十里春秋龜陰之田
在其北今屬泰安州

蒙

書曰蒙羽其藝地里志云泰山蒙陰縣蒙山在西南
有禰顓臾國在蒙山下○一統志蒙山在兗州府沂
州費縣西北七十里居魯之東一名東山所謂登東
山而小魯也

大東

孔氏曰僖公時東方小國見於盟會惟邾莒滕杞而已○爾雅云東至於泰遠東至日所出爲太平○一統志兗州府鄒縣周時邾國青州府莒州古莒子國滕縣在兗州府

鳧

郡縣志鳧山在兗州府鄒縣東南三十八里○一統志鳧山在鄒縣西南五十里連魚臺縣界世傳伏羲畫卦於此土人呼其處爲八卦山○楊奐東游記云過泗水地頗高敞南望鳧繹諸峰出沒於烟蕪雲樹

之表

繹

禹貢嶧陽孤桐○地里志嶧山在魯國驪縣北○鄒山記曰鄒山古之嶧山也山下是鄒縣本邾國魯穆公改鄒山從邑變故謂鄒山嶧陽猶多桐樹○水經注云鄒山所謂嶧山邾文公所遷京相嶧曰繹邑依嶧山爲名山東西二十里南北十三里高秀獨出積石相臨殆無土壤石間多孔穴洞達相通○一統志嶧山在山京兗州府鄒縣東南二十五里史記秦始皇皇上鄒嶧山刻石頌德

常

箋云常或作嘗在薛之旁魯莊公作臺于薛是與六國時齊孟嘗君食邑于薛○曹氏曰漢地理志魯有薛縣而齊孟嘗君食邑于薛則嘗先當魯○史記正義曰薛故城在徐州滕縣南四十四里○一統志薛城在兗州府滕縣南四十里孟嘗君墓在縣南五里

許

箋云許許田魯朝宿之邑○左傳隱八年鄭伯請以泰山之祊易許田注云成王營王城有遷都之志故賜周公許田以爲魯朝宿之邑鄭有助祭泰山湯沐

之邑在祊欲以祊易許田各從本國所近許田近許
之田桓公元年鄭伯以璧假許田○公羊傳云許田
魯朝宿之邑也諸侯時朝于天子天子之郊諸侯皆
有朝宿之邑焉曷爲繫之許近許○括地志許田在
許州許昌縣南四十里有許城周公廟在其中

徂來

郡縣志徂來山亦曰九來山○水經注鄒山記曰徂
來山在兗州梁父奉高博城三縣界今猶有美松亦
曰龍竦之山赤眉樊崇保此山自號九來三老○一
統志徂來山在濟南府泰安州東南四十里上有紫

源池玲瓏山獨秀峰天平東西三寨下有白鶴灣

新甫

後魏志魯郡汶陽縣有新甫山○通典漢汶陽故城在兗州泗水縣東南○九域志襲慶府有新甫田

九有

傳云九州也○爾雅曰兩河間曰冀州河南曰豫州河西曰雍州漢南曰荊州江南曰揚州濟河間曰兗州濟東曰徐州燕曰幽州齊曰營州郭璞曰此蓋殷制易氏曰爾雅九州之名與舜典禹貢異先儒以爲殷制由今考之有舜之幽營徐而無舜之青梁并是

青入於徐梁入於雍并入于冀也既分禹貢冀州之境而復舜之幽州又并青於徐而徐而復舜之營州殷之九州燦然可考至周人又分冀爲并併營於幽復禹之青州而併徐以入于青○舜典肇十有二州注云禹治水後舜分冀爲幽并分青爲營始置十二州○禹貢冀州濟河惟兗州海岱惟青州海岱及淮惟徐州淮海惟揚州荆及衡陽惟荊州荆河惟豫州黑水惟梁州黑水西河惟雍州○周禮職方氏東南曰揚州正南曰荊州河南曰豫州正東曰青州河東曰兗州正西曰雍州東北曰幽州河內曰冀州正北

曰并州○王制注云殷湯更制中國方三千里之界
分爲九州而建千七百七十三國○楊用修云春秋
命曆叙人皇氏依山川土地之勢度爲九州謂之九
圍圍古文省作有

畿

傳云畿疆也○王制注縣內夏內天子所居州界名
也殷周曰畿○孔氏曰殷周稱畿唐虞稱服周禮大
司馬九畿方千里曰王畿其外曰侯畿其貢祀物又
外曰甸畿其貢嬪物又外曰男畿其貢器物又外曰
采畿其貢服物又外曰衛畿其貢財物又外曰蠻畿

又外曰夷畿要服也其貢貨物又外曰鎮畿又外曰蕃畿此荒服也謂之蕃國○易氏曰禹之五服王畿在內職方氏王畿不在九服之內○漢志云殷周因井田而制軍賦十終爲同同方百里同十爲封封十爲畿畿方千里○禮書春秋傳曰天子一圻周語曰規方千里以爲甸服王制曰千里之內曰甸則天子寰內五百里中爲王城百里爲郊二百里爲邦甸三百里爲邦削四百里爲邦縣五百里爲邦都

景

括地志宋州北五十里大蒙城爲景亳湯所盟地因

景山爲名○寰宇記景山在應天府楚丘縣北三十
八里○玉海云高四丈今屬拱州○詩緝云自湯至
盤庚五遷亳囂在河南相耿在河北盤庚後傳三世
至武丁又傳四世至庚丁之子武乙始去亳徙河北
此詩所言河正指亳也○名物疏宋之南京應天府
今開封歸德州也府城東南有亳城卽景亳也拱州
今爲睢州

地理考下卷六終